



C40-4514

能斷金剛般若波羅蜜多經論釋卷上

無著菩薩造頌

世親菩薩論釋

唐三藏法師義淨奉

制譯

此經文句義次第

世無明慧不能解

稽首於此教我等

無邊功德所生身

具如斯德應禮敬

彼之足跡頂戴持

覺輒難駕彼能乘

要心普利諸含識

經云能以最勝利益者此據成熟菩薩能以最勝付
囑者此據未成熟菩薩云何於諸菩薩最勝利益復
何者是最勝付囑爲答此問頌曰

C40
4514
140

B E4853

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

勝利益應知 於身并屬者 得未得不退

謂最勝付囑

謂於菩薩身中爲其利益亦能令彼菩薩益其所有相屬伴類名最勝利益於彼身中令其佛法成熟攝衆故卽是利益彼身亦令化餘有情所有堪能皆成就故是於屬者能爲利益如是應知於得未得所有功德能爲彼作不退之因由於善友而親委寄是名以勝付囑而相付囑此中得而不退者欲令不捨大乘未得不退者令於大乘更趣殊勝諸有發趣菩薩乘者應云何住爲答此問頌曰

於心廣最勝 至極無顛倒 利益意樂處
此乘功德滿

此明何義若菩薩作此四種利益意樂始是發心住於大乘具此意樂方可名爲功德圓滿云何爲四利益意樂一廣大二最勝三至極四無顛倒經云諸有發趣菩薩乘者當生如是心廣說乃至如是一切此明廣大利益意樂我皆令人無餘涅槃而滅度之者此明最勝利益意樂雖度如是無量衆生乃至不名菩薩此明至極利益意樂此何意耶欲明所有一切衆生悉皆攝同菩薩已身由斯但是寂滅已身無別

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

有情也若作別有衆生不爲已想者此卽不名菩薩若攝爲已體卽是至極不捨是故名爲至極意樂若菩薩有我想衆生想壽者想更求趣想者則不名菩薩此明無顛倒利益意樂此卽由依有身見故我等想生爲令正斷是不顛倒次下當顯諸有發趣菩薩乘者應如是修行經云菩薩不住於事應行布施如是廣說此中何意以一施聲而總收盡六到彼岸耶答曰

六度皆名施 由財無畏法 此中一二三
名修行不住

爲明此六咸有施相此之施性由財無畏法財施由一謂是初施無畏由二謂是戒忍於無怨讐_(戒)及怨讐處_(也)不爲怖懼故法施由三謂是勤等由其忘倦勤了彼情已_(定)宣如實法_(慧)此是大菩薩修行之處卽是以一施聲收盡六度經云菩薩不住於事應行布施如是等者此中何謂不住性耶頌曰

爲自身報恩 果報皆不著

言不住於事者此顯不著自身不住隨處應行布施者此顯不著報恩於利養恭敬等求恩望益之處事有多途故云不應隨處生著而行布施不住於色等

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

者謂不著果報問何須如是行不住施耶頌曰

爲離於不起 及離爲餘行

由顧自身不行其施爲欲離其不起心故莫著自身
速應行施由望恩心及希果故遂捨正覺菩提果性
爲於餘事而行惠施是故當捨求餘行施次下當說

攝伏心其事云何頌曰

攝伏在三輪 於相心除遣 後後諸疑惑

隨生皆悉除

經云菩薩如是應行布施乃至相想亦不應著此顯
所捨之物及所施衆生并能施者於此三處除著想

心次明布施利益或有難云既於施等離其相狀如何當獲福德利益爲答此故說生福甚多問何故宣
說於修行後不障福利於攝伏下方始言之答爲顯
若人不著相想方能行彼不著施也從此已後所有
經文皆爲除遣後後疑惑於此便有如是疑生問若
不著於法而行施者如何爲求正覺勝果行惠施耶
爲答此疑經云於汝意云何可以勝相觀如來不如
是廣說頌曰

若將爲集造 妙相非勝相 三相遷異故
無此謂如來

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

若謂如來是由施等因緣所造於有爲相中得最勝性者便見如來有其勝相若望如來真如之性卽無此勝相是故不應以勝妙相觀於如來由彼法身是非集造之所顯故次云何以故如來說彼勝相三相遷異故由此勝相卽非勝相此中意說三相之體是遷流故妙生所有勝相皆是虛妄是故應以勝相非相觀於如來此意欲用從因生法是虛假故無此謂如來由彼全無三種相故由離此相卽以無相爲相若於是處無生住滅變異之性可了知者此顯如來不是有爲造作之性因緣所成如是明解如來性已

雖爲佛果而行布施非著法施卽是除去疑情次下妙生重生疑念若由如是無住施者卽因極甚深復說如來是無爲性卽是果極甚深如何末代得有信者令彼果報不虛棄耶爲斷此疑頌曰

因與果甚深 於彼惡時說 此非無利益

由三菩薩殊

縱於末代而有菩薩具戒具德具慧由此說法果利不虛頌曰

由於先佛所 奉持於戒學 并植善根故

名具戒具德

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

經云然彼菩薩非於一佛而行恭敬事非於一佛植諸善根此顯於先佛所爲持戒故而行恭敬承事及爲種諸善根如其次第即是具戒具德次明具慧人頌曰

能斷於我想 及以法想故 此名爲具慧

二四殊成八

此明我想有四法想亦四故成八想頌曰

別體相續起 至壽盡而住 更求於餘趣
我想有四種

我想四者謂是我想有情想壽者想更求趣想四種

不同此於別別五蘊有情自生斷割爲我想故見相續起作有情想薩埵是相續義乃至壽存作壽者想命想既謝轉求後有作更求趣想法想四者頌曰

皆無故非有 有故不可說 是言說因故

法想有四種

法想四者一法想二無法想三想四無想此謂能取所取諸法皆無故法想不生卽無法想彼之非有法無自性空性有故非無法想卽彼非有有非有性非言所詮故非是想是言說因故非是無想由想力故雖非言顯而以言說故有八義不同由我及法八想

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

斷故名真慧人何意此義但於具慧而說非具戒具德者何答爲顯實想有差異故何者是頌曰

由彼信解力 信故生實想 不如言取故

取爲正說故

由此義故說彼之後而云是人乃能聞此經興生一信心由具慧者不如言而取及由隨順勝義智故取爲正說故名爲實想爲斯理故說彼之後便云不應取爲法不應取爲非法不應如言不說將以爲法亦復不卽執爲非法由此是能隨順勝義智取爲正說故卽是經云聞說是經生實信不經云妙生如來悉

已知見是人等者爲顯何義頌曰

佛了果非比 由願智故知

彼具戒等人所有果報佛非比知然由願智現量而了若不言見或謂比知若不言知恐是肉眼等見是故知見並言何故世尊作如是語頌曰

爲求利敬者 遮其自說故

彼具戒等爲求利養恭敬自說已德便生念曰如來既遙鑒我爲此無疑自說

經云妙生彼諸有情當生當攝無量福聚者此自何義謂是令其福聚當生又是彼福當能相續熏習不

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

斷言有我執等者意說有隨眠性非有現行執
經云是故如來密意宣說筏喻法門諸有智者法尚
應捨何況非法此中有何密意頌曰

證不住於法 爲是隨順故 猶如捨其筏

是密意應知

謂於經等法非增上證所住處故卽得證已應捨彼
法如到彼岸捨棄其筏於增上證是隨順故應須收
取如未達岸必憑其筏是名密意一筏之上有其取
捨故名爲密若是自餘非順證法理須捨故次後更
爲除疑何者是上文云不應以勝相觀於如來彼從
無爲所顯性故若如是者復如何說釋迦牟尼如來
證於無上正等菩提乃能宣揚所有法教由斯道理
彼非正覺亦不說法答此疑故頌曰

化體非真佛 亦非說法者

由有三佛一法身佛二受用身佛三化身佛言釋迦
牟尼佛者卽是化身此乃元非證覺亦不說法度生
文云何以故佛所說法等者爲遮總攝一切說法之
事故云化體非真佛亦非說法者然非總無頌曰

說法非二取 所說離言詮

如是一種謂法性非法性非耳能聽非言能說是故

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9

100

應知非法非非法此據真如道理而說彼非是法謂
是法無爲其性故復非非法由彼無自性體是有故
何故但言所說之法不言能證之人答但言所說能
證義顯由非不覺得有所說經云以諸聖者皆從無
爲之所顯故者爲明說此法因由諸聖人並從真如
清淨之法所顯現故名無爲所顯是故彼還說無爲
法凡所有事言不能宣者此卽豈能取也彼之自性
非是言說所行處故明此卽是非言說性何故此中
無有簡別總說聖者不唯言佛答爲明聖人皆從真
如清淨所顯由有全淨一分淨故隨其所應故無有

過又說福差殊欲何所顯答法雖實是不可取性及
不可說然而有益頌曰

自受爲他說 非無益集福

何故經云世尊此福聚者則非是聚是故如來說爲
福聚福聚頌曰

福不持菩提 彼二能持故

言福於菩提不能持負故二於菩提是能持故頌意
如是何謂爲二謂自受爲他說經云旣自受已於他
演說未了此言將述何義由其聚聲梵云塞建陀有
甚多義或是聚義或是分段義若依此方譯之爲聚但得義遂無餘義此中且據二種此爲昔人不解
華義或

論 80
1 2 3 4 5 6 7 8 9

90
1 2 3 4 5 6 7 8 9

100
1 2 3 4 5 6 7 8 9

論

前賢金剛般若波羅蜜多經論卷一

九

翻

音又譯之爲趣深成遼落又復須知此聚義有義解時極難也有二種義一是聚積義二是肩荷義猶如在肩能持於擔爲此名肩爲聚由斯理故彼福積聚說爲福聚由其不能持荷菩提說爲非聚卽非肩義是積聚義此二是菩提因福乃至多問何故此二能持菩提爲顯斯義故經云何以故妙生由諸如來無上菩提從此經出等何故菩提言出諸佛言生頌曰

得自性因故此餘者是生

言菩提者卽是法身此是無爲性故名爲自性是故此二是得彼之因非是生因若望此餘受用化身是生以故由此親能持菩提故生福甚多爲顯此義經云何以故等何故此是能成立因頌曰

唯是佛法故能成最勝福

言如來說爲非佛法者此顯所覺之法唯佛能證由不共性是故最勝此是最勝福因性故招福極多意明此是能成勝福之親因上經云聖人皆是非集造之所顯示爲此諸聖於彼證法不可取不可說者諸預流等聖人並悉取其自果如何此成非所取性於其所取而宣說者非不可說性爲遣疑故生起後文卽彰非所取所證理善成就頌曰

論

前賢金剛般若波羅蜜多經論卷一

九

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

不取自果故 非可取可說

由是無爲所顯性故彼於六境無有少法可得既無可預名爲湧流乃至阿羅漢亦無有法理皆同此無爲之法體無可取爲此聖人於自果不取不說若聖人作如是念我得果者卽是有其我等執者意說有隨眠惑非是現行由非彼證現觀之時有我等執而云我得何意妙生自說得阿羅漢爲令一分有情知已親證故又復自說得無諍住者爲顯身與勝德相應爲欲令他生勝敬信故爲何意趣而云妙生都無所住而說我得無諍住得無諍住煩曰

解脫二障故 說妙生無諍

障有二種一是煩惱障二是定障於斯脫故不住二障爲此再言此言二無諍性卽是諍之非有次復起疑言世尊昔於然燈佛所有法可取彼亦爲他說其法要以此而言如何得成無取無說爲答斯難故云實無有法是如來所取此有何意頌曰

在然燈佛所 言不取證法

此言世尊在然燈佛所亦不以言取其證法頌曰
由斯證法成 非所取所說

若言諸聖皆是無爲所顯彼法不是所取一亦非所

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

論

前論卷四無老源釋名經論卷十一

三

解

說者如何諸菩薩取嚴勝佛國土耶又受用身如何
自己取爲法王世間於彼將爲法王爲遣疑故方生
下文此中意者頌曰

智流唯識性 國土非所執

由彼實無佛土嚴勝是可取事除從諸佛淨智所流
唯識所現此即不能有所執取若言實有形質是可
取性我當成就國土嚴勝者斯誠妄語如來說彼不
是嚴勝由此說爲國土嚴勝此有何意頌曰

無形故勝故 非嚴許嚴性

言莊嚴者此有二義一是形相二是勝相此最勝者

是第一義此由無形質故佛土莊嚴非是莊嚴以彼
不是真莊嚴故是故說此以爲最勝勝法集此故名
最勝若執有佛土形勝莊嚴云我當成就彼卽便於
色等境界有住著心爲遮此見故有不住文生所云
受用身佛如何自己取爲法王他亦爾者爲答此難
故將受用身同妙高山此文欲顯何義頌曰

譬如妙高山 於受用無取

如妙高山王獲得勝大尊主性故名爲妙高而不自
取爲山王性以山無分別性故受用身佛亦復如是
具法王性由獲勝大尊主性故名爲勝大而不自取

論

前論卷四無老源釋名經論卷十一

三

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

前賢金剛般若波羅蜜多經論卷上
其法王性我是法王以無分別故如何得是無分別耶爲顯斯義文云如來說爲非身由彼非有說名有身此有何意頌曰

非有漏性故 亦非是因造

然受用身非有漏性故由此非有身說爲有身皎然
緻淨自體有故亦非是因造由此有身非是仗他因
緣生故何故於先顯福德性已說其喻今何更說頌

曰

爲顯多差別 及以成殊勝 前後福不同

更陳其喻說

前明三千世界喻顯福多今說無數三千彰其更廣
何故於前不言斯喻爲受化者所樂不同先少後多
意在於此前福差別不明成立之因爲於菩提無有
荷持之用今欲顯其能立因相更將別喻隨事而言
能斷金剛般若波羅蜜多經論釋卷上

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

論

能斷金剛般若波羅蜜多經論釋卷中

前

能斷金剛般若波羅蜜多經論釋卷中

無著菩薩造頌 世親菩薩論釋

唐三藏法師義淨奉 制譯

何謂能立因相

兩成尊重故 由等流殊勝 煩惱因性故

由劣亦勝故

言兩成尊重者由所託處或制底塔故謂是說法之地其所依身成如大師尊重性故即是持經之人施實之地及能施者無如是事故次下經文顯此法門乃是諸佛親所證會等流之性頗曾有法是如來說

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

不者此明何意言無有法是如來獨說皆是諸佛共宣揚故又此施珍寶福是苦惱事生起之因法門功德乃是煩惑斷除之要優劣懸隔是故下文將地塵爲喻如來說作非塵由此說爲地塵所言世界如來說爲非界由此說爲世界者此有何意言此地塵不是染等性塵是故名作地塵又彼世界非是煩惱之因名界爲此說爲世界界是因義卽是世之因也斯言意顯彼福乃是煩惑塵全之因由其外塵雖是無記彼福縱善方之極卑況並成佛福因而不更爲微劣又彼能成大丈夫相所有福業始此成菩提因持說法門之福亦爲是劣由彼衆相非是正覺之體性故爲此名爲大丈夫相是彼標相故由持說福能得大覺性爲此名劣亦勝過施寶之福況法身因而不超越是故劣亦勝也卽是寶福極卑爲能成立因此既成立施寶之福與此福因有差別已次下諸文更復成立欲何所明頌曰

彼果勝苦故

難逢勝事故

境峯非知故

於餘不共故

是甚深性故

勝餘略詮故

胄族高勝故

望福福殊勝

此述何義答施寶之福獲得自身所受用果彼身是

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

論

金剛般若波羅蜜多經論卷中

二

蔚

勝以能捨彼無邊之身此福勝前由彼自身是苦性故何況爲彼而行其施爾時具壽妙生了彼自身是苦事故由法勢力遂便墮淚此之法門復是難逢妙生自從生智已來亦未曾聞復是勝事此言欲顯般若之名此下意欲成立是勝妙事卽經云如來說爲般若波羅蜜多者彼卽非波羅蜜多爲何意趣作如是說答境岓非知故由其所知境岓除佛於餘無能知者復是於餘不共故此之法門所有實想卽實想者除佛教已餘處無故言實想者住此處有言非實者是於餘不生義是故文云若能生如是想者彼當成就第一希有又此法門亦是甚深由於此經或少受或遍持於我等想不復生起於我等想不生故者明於所取義無有顛倒於我等想卽是非想者明於能取無有顛倒此二如其次第明我法二無性智佛於此義隨印妙生所說之事言不驚不怖不畏者此三皆名爲懼即是驚懼怖懼畏懼然隨事不同故有三別言驚者謂於非處生懼若正譯梵音應云越怖
移舊若准論釋驚義未甚相當下二准此應可思之也違越正理如越正道可厭惡故言怖者應云續怖相續生懼怖既生已不能除斷定怖生決定心一向畏懼此等若無便成故言畏者

論

金剛般若波羅蜜多經論卷中

三

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

論

前卷全圖解註釋本

三

詩

心離惶惑

若不見本音本意於文卽未開釋義爲此註出本音斯乃可亡疑惑餘家釋別義非

論此又此法門勝餘略詮故者由經說此是最勝波羅蜜多

經是略詮

又此法門族胄高勝故言勝族

者謂由諸佛所共說故然彼寶施無有如斯衆德圓備卽是成立此福望前福聚昇沉理別也所云於身是其苦性彼施卽是苦果性故其福卑劣者然此法門若有持說彼之大士行諸苦行此亦豈非是招苦報如何不是得苦果耶爲除此難故有下文欲顯何義頌曰

彼行堪忍時 雖苦行善故 彼德難量故

由斯名勝事 由無恚怒情 不名爲苦性

有安樂大悲 行時非苦果

此述何義答縱令彼人行苦行時有苦惱果然於彼時由有堪忍性故此名勝事有其二因一是善性故由諸波羅蜜多皆以善爲體性故二是彼德難量故如經云此卽是其非波羅蜜多由彼德卽是無知者爲此名爲不知其所以與勝法相應故卽此難行之苦望前苦惱自有殊別何況我想瞋想悉皆無故必無其苦非但無苦更生悲樂如經云我無是想亦非無想言非無想者此顯有想與悲心相應准斯語理

論

前卷全圖解註釋本

四

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

論

龍藏金剛密教大藏經卷中

四

勸

若諸有情於我想等不除遣者苦行之時見有苦惱
卽便欲捨菩提之心是故應離諸想乃至廣說此何
所顯若人不發勝菩提心便有如斯過失生瞋恨心
頌曰

生心因不捨 是故應堅求

問於何處心是此心生因而遣堅固勤求復於何處
是不捨菩提心因令進求也頌曰

謂是得忍邊 及此心方便

此謂入初地勝義之心得忍邊際行無住心即是文
云應離諸想發起無上正等覺心何以故者此謂顯

其無住著心生起之因若於色等處有住著心者此
必不能進求佛果故諸菩薩應無所住而行布施者
文意欲明施攝六到彼岸即是生起無住著心方便
謂得忍已雖復遭苦而不棄捨大菩提心問如何起
行爲利有情復遣不住利有情事此則取捨同門疑
情遂發答曰菩薩如是應行布施爲利諸衆生等此
顯何意頌曰

應知正行者 是利生因故 於有情事相
應知遍除遣

此述何義言此正行者是利益衆生因應知即是利

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

論

新編全蜀書坡羅密經論卷中

五

益有情而不取有情所有相貌何謂有情相貌事耶
頌曰

彼事謂名聚

彼衆生者卽是名字施設喚爲衆生及所依事何者
是其正行謂於衆生事相皆除遣故由彼名字想者
卽是非想以彼自體本非有故卽彼衆生不是衆生
謂於五蘊名爲衆生由彼衆生自體無故此我法無
性何以故由佛世尊並除諸想此明我法二想皆無
如何能成最勝妙事頌曰

最勝除其想 諸世尊無此 由真見相應

此述何義由非彼二是實有性而諸大師強除彼想
然諸如來與真見相應故果不住因位如何得見彼
果之因旣有此疑答如經云妙坐如來是實語者有
其四句頌曰

果不住因位 是得彼因果 世尊實語故
應知有四種

此實語性有其四種何謂爲四頌曰

立要說下乘 及說大乘義 由諸授記事
皆無有差舛

由佛自立要期元求佛果無有妄謬於下劣乘及以

論

新編全蜀書坡羅密經論卷中

六

大乘並諸授記並無謬故於此隨其次第實語如語不詎語不異語而相配屬言如來者由於聲聞乘說苦等四諦是實不虛於其大乘說法無性所顯真如稱實知故來是知義於一切時過去未來現在所有授記如其事故皆無妄謬故曰如來經云如來所證法及所說法此卽非實非妄者此有何意答曰不得彼順故是非實非妄如言而執者

對彼故宣說

言諸如來所有說法此說不得彼故而是隨順於彼由彼說法不能親獲內證法故於其言下無有體故

故非是實由順彼故故非是妄言我現證無上覺者此據文句道理而有此說問何故世尊自立要言我是真實語者而所說法非實非虛一說兩兼理成難信由此答云如言而執者對彼故宣說言諸聖人是無爲所顯者然真如性常時遍有如何佛果以無住心方能證得非有住心又復如何常時遍有實體真如或有得者或不得者爲除此疑說入闇喻此明何義頌曰

當時諸處有於真性不獲由無知有住
智無住得真

此中意道真如之性雖是常時遍有由其無智有住心故卽不能得是不清淨義由其有智無住心故卽便得見是清淨義然佛世尊是真如所顯由斯理故以有住心不能證得由此頌曰

無智由如闍當闍智若明能對及所治
得失現前故

猶如闍者是與闍相似義由斯以闍比其無識以其日光譬局有智有眼如文具述故云能對及所治得失現前故隨其所應由其有眼者顯得能對夜分曉已顯破所治冥闇謝故日明旣出者顯能對現前日

光旣照見衆色象次後之文欲說何事頌曰

由如是正行獲如是福量於法正行者

業用今當說

由如是正行者此明文正行頌曰

於人有三種受持讀演說

人有三者一受持二讀誦三演說言受持者謂持法人讀誦者依多聞說雖不能持由能讀故亦多聞攝義正行者謂是周遍得其義故頌曰

義得由從他及已聞思故

義之得因從他及已何謂從他云何由已爲聞思故

如其次第從他及已而得者據遍得義此謂文義正行頌曰

此謂熟內已 餘成他有情 由事時大性

望福望殊勝

此受持等但爲成熟內已餘成他有情卽是於他廣爲正說獲如是福量者顯其福量差別由事時大性望福福殊勝此捨身福望前捨身福由事大故有其差別及由時大由一日中尚以極多自身而行布施復經多時於法正行者業用今當說何謂彼行業用耶頌曰

非境性獨性 能依是大人 及難可得聞

無上因增長

若但持正法

所依處成器

蠲除諸業障

速獲智通性

世妙事圓滿

異熟極尊貴

於此法修行

應知獲斯業

經云不可思者此顯不是凡情比度所行境界言不可稱者此顯獨性所獲之福於聲聞等是不共性故言爲益發趣極上最勝乘有情故說者顯此法門是大人所依大乘敎名極上乘大乘行名最勝乘樂下劣者不欲聞故此顯難聞性聽者難得故由能成就不可思量等福聚故此顯增長無上之因福種增長

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

論

前編卷之三

七

故此中文云不可思不可思者謂以非量非度如次應知當知是人則爲以肩荷負等者此卽顯其能持法者由彼持法卽是持菩提也所在之處香華供養者此顯所依之處成勝妙器由被輕辱故所有應生惡趣之業皆當消盡故此顯淨除業障言此爲善事者謂遭輕辱時顯被辱之人有福德性故言此爲善事自古翻譯皆無此語
由梵本中字隱密故於然燈佛先供事諸佛所得之福比於末代於此法門能受持等獲多福故此顯得成智通性多福資糧悉圓滿故乃知當知是經不可思議此顯果報不可思也卽是世妙事圓滿果報

極尊貴謂於護世帝釋婆羅門等所有圓滿皆當攝取言狂亂者應知此是狂心因言不可思果報者此之多性勝性二種皆非凡情所測斯謂於法正行便能安住如是衆德是故名此爲正行業果報功用又復如前三種問答此中重問義有何殊答曰

由自身行時 將已爲菩薩 說名爲心障
違於無住心

妙生實無有法可名菩薩者若無菩薩云何如來於然燈佛所行菩薩行耶答此疑曰實無有法如來於然燈佛所如是等此顯何義頌曰

論

前編卷之三

七

授後時記故 然燈行非勝 善提彼行同

非實由因造

此中意言我昔於燃燈佛所非是勝上行菩薩行而
我昔行時實無有法可於彼邊證得正覺若證覺者
卽不記我後時成佛此中意者言彼行時自云我當
成佛若言菩提非有者佛言是無卽總撥無佛爲除
此難文云妙生言如來者卽是實性真如異名謂無
顛倒義名爲實性無改變義是曰真如妙生若有說
云如來證得無上正等覺者是爲妄語者此顯何義
答曰菩提彼行同非實由因造由昔菩薩修行之時
實無可行諸佛亦爾無法可證正等菩提此還總撥
實無無上正等菩提答斯難曰妙生如來所有正覺
之法此卽非實非妄者此有何意然真如理是佛所
證彼卽非實由從因生諸有爲相是聚相義彼卽無
其色等相故頌曰

無彼相爲相 故顯非是妄 由法是佛法

皆非有爲相

謂此無彼色聲等相色等相無是其自相由此故云
無彼相爲相故顯非是妄是故如來說一切法卽是
佛法此顯何義由如來證此法故由法是佛法皆非

有爲相者此顯以無爲體此何所陳由一切法以真
如爲自性此乃但是佛所覺悟是故一切法名爲佛
法由此色等不能持其自體相故所有彼諸色聲等
法皆不是法由不是法是故此成其法即是畢竟能
持非有之相丈夫之喻何所顯耶頌曰

謂以法身佛 應知喻丈夫 無障圓具身
是遍滿性故 及得體大故 亦名爲大身
非有身是有 說彼作非身

煩惱所知二障無故名圓具身言遍滿者是遍行義
遍諸處故名爲具身及得體大故亦名爲大身此遍

行者應知卽是真如之性在諸法中無有異性故云
非有身是有說彼作非身如來說爲非身由此名爲
具身大身者斯何所陳以非有爲身故名彼爲非身
卽真如性故由其無身故是故名此爲具身大身若
言無有菩薩者正覺亦無所覺亦無亦無衆生令入
涅槃亦不嚴淨諸佛國土有何所爲諸菩薩等令諸
衆生入於圓寂又復作意淨佛土耶爲答斯難故有
下文此顯何義頌曰

不了於法界 作度有情心 及清淨土田
此名爲誰妄

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

若言此心是其誰妄爲此不名菩薩者若爾由何得
名答妙生若有信解一切法無性一切法無性者如
是等此文欲顯何義答曰

於菩薩衆生 諸法無自性 若解雖非聖
名聖慧應知

此明何義言法無性法無性者此據衆生及菩薩所
有之法於彼若能信解或世出世謂是異生及聖皆
名菩薩由此便成決定許有覆俗勝義二種菩薩此
卽顯其順彼再說菩薩菩薩經文前云如來是無得
所顯者義成明白若如是者豈彼聖人全無所見爲

答斯難許有五眼爲顯其義頌曰

雖不見諸法 此非無有眼 佛能具五種
由境虛妄故

此乃如何不是妄耶爲答此難先爲喻已彼諸衆生
種種性其心流轉我悉知之如是廣說此顯何義言
彼非是妄見由境虛妄故何者是虛妄境謂種種妄
識頌曰

種種心流轉 離於念處故 彼無持常轉
故說爲虛妄

即是種種識有六識殊故復是其妄何因名識爲心

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

論
金剛般若波羅密經卷中

三

流轉經云如來說爲無陀羅者此顯離於念處性故由彼念處是此持處彼若無者卽是無持陀羅喃阿羅病陀羅此之三名共目二義皆得名持亦有流注義由無持故心卽流散言無持者爲顯常轉之緣既無持故顯其常轉是虛妄性

問何故本經初留梵語陀羅不譯爲漢字者有
何意趣答梵本三處皆是陀羅而義有差別今時譯
者若也全爲梵字卽響滯於東川如其總作唐音頓
理垂於西域是故初題梵字可謂義詮流轉所由於
內道持便是正述執持之事作斯譯者方稱頌本無
著菩薩之意符釋者世親苦薩之情如其不作斯傳
定貽傷于之患若總譯爲流持理便成不現咸爲持
字流義固乃全無作此方爲極當若譯爲流於
理亦得然含多義不及陀羅一處旣爾餘皆領知諸
在梵本者咸有異意此般若已經四譯五譯尋者當
須善觀不是好異重譯意好鞠理西國聲明自有
一

名目多事一事有多名爲此陀羅一言遂含衆義有
流有持理應體方俗之殊致不得持昔而膠柱若勘
舊譯全成疎漏無暇言其臧否何以故者由有過去等心不可得言
故所云過去未來心者由是過去未來性故是不可
得其現在者卽是遍計所執自性非有故此顯流轉
之心是妄識性所緣無有三世性故復有何意說福
聚喻耶答曰

應知是智持 福力非虛妄 顯此福因故

重陳其喻說

此述何義心旣流轉是誑妄性故所有福聚亦並成
虛此旣是妄何成於善旣有深疑理須明決答流轉

4 5 6 7 8 9 80

90

100

論

新編金剛般若波羅蜜多經論釋卷中

正

龐一

之心可是其妄所言福聚體不是虛由是正覺智之持故如何顯此是其持性如云妙生若此福聚者如來卽不說爲福聚此何意趣由五取蘊體是虛妄若此福聚是取蘊者如來卽不說此福聚爲福聚性是不說爲智之持處義若言如來是非集造所顯如何如來說有諸好及衆相耶爲除此難故云不應色身圓滿及相具足觀於如來言色身者是隨好義故能斷金剛般若波羅蜜多經論釋卷中

音釋

筏

房越切

緻

直利切

舛

昌究切

病

烏何差錯也

能斷金剛般若波羅蜜多經論釋卷下

略明般若未後一頌讚述附

無著菩薩造頌

世親菩薩論譯

唐三藏法師義淨奉

制譯

如來說彼爲具相者此非具相由此說爲具相此有何意頌曰

謂於真法身 無隨好圓滿 亦非是具相

非身性應知

於法身無別

非如來無二

重言其具相

由二體皆無

言法身實不圓滿隨好色身應知亦不具足衆相彼無身性故是謂法身無具相義亦非如來無斯二種

論

新編金剛般若波羅蜜多經論釋卷下

一

秀二

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

所謂色身圓滿及以具相由斯二種不離法身是故
如來有其相好爲此重言色身圓滿及以具相由二
皆無故是故此二亦說爲無言此非圓滿此亦非具
相亦說爲有以說色身圓滿及具相言故斯有何意
由其法身無此相好是故名此爲如來色身圓滿及
以具相由與彼身不相離故法身之性卽不如是然
法身非彼自性故若言不應以色身圓滿及具相身
觀如來者如何如來有所說法耶爲答斯難此卽以
其惡取而謗於我由不能解我所說義故頌曰

如來說亦無 說二是所執

何意重言說法說法者頌云說二是所執云何爲二
一乃是文二便是義由何所以文云無法可說是名
說法耶答曰

由不離法界 說亦無自性

由不離法界外有說法自性可得若言無有世尊是
能說者所說之法亦復不離法身故成非有如是甚
深之法如何當有敬信之人爲除此難答曰

能說所說雖甚深 然亦非無敬信者

經云妙生彼非衆生非非衆生者此有何意頌曰

由非衆生非非生 非聖聖性相應故

4 5 6 7 8 9 80

90

100

諸有當能生敬信者彼非衆生由餘衆生不與聖性相應卽與凡夫性相應故非非衆生者由與聖性相應故此中義者由彼望其凡夫性故不是衆生由望聖人性故非非衆生何以故衆生衆生者如來說彼爲非衆生此據愚小異生性由此說爲衆生者此據聖人性若言如來曾無有法是所覺知者云何離其後後正知次第而名無上正等覺耶爲答此難非是有法可覺方名無上正覺然由頌曰

少法無有故 無上覺應知 由法界不增

清淨平等性 及方便無上

於此乃至無有少法能過故名無上又復法界無有增故其法平等故名無上上上性無故又復如來法身清淨平等故其法無不齊等無有少增故名無上又復其法是無我自相此卽高高性無故名無上又復於諸方便亦是無上所有善法皆圓滿故名爲無上此餘菩提於諸善法不圓滿故卽此方便實爲有上此乃如來說爲非法由此說爲善法者此有何意頌曰

由漏性非法 是故非善法 由此名爲善

由有漏性彼不是持有漏之相不能持故由此說爲

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

善法由無漏性決定能持是善性故若要以善法獲
大菩提者所有說法亦應不獲菩提是無記性故爲
遮此難更言差別之福答所說法縱令無記終有所
得頌曰

說法雖無記 非不得應知

由非離此能得菩提故知藉斯菩提方契頌曰

白斯一法寶 勝彼寶無量

故此宣說法寶望前無數妙高無邊之寶顯福差別
假爲第百分亦不能及一者乃至廣說將顯何義頌
曰

於諸算勢類 因亦有差殊 尋思於世間
喻所不能及

此言何義謂以此福望前福聚謂是算勢類因四種
差別於此世間遍尋思已無有其喻能比況者言由
算差別者始從假爲第百分乃至或爲算分不顯差
殊但言算者此卽應知總攝其餘所有算數或爲勢
分者由其勢力有差殊故如強弱人事不相並或爲
比數者由品類別言此福類元不比數前之福類如
貴賤人不相比數因者明其因果亦不相干涉故言
彼亦不可與此爲因即波尼煞曇譯爲因字如
芥子種植將比松柏也於此

世間竟無其喻可況於福由斯前福望於此福實爲減少皆不足言故云乃至譬喻亦不能及若言彼法性相平等故無不平者卽無能度所度云何如來說脫有情耶爲除此難故起後文將顯何義頌曰

法界平等故 佛不度衆生 於諸名共聚不在法界外

凡名有情者於彼蘊處由名共蘊不在法界之外卽此法界其性平等是故曾無有一衆生可是如來之所度脫此卽如何當有我執者此有何意若言但唯脫其五蘊而已此卽是有所許衆生由如是故頌曰

若起於法執 與我執過同 定執脫有情
是無執妄執

如云妙生言我執者如來說爲非執妄執如來說爲非生者是不能生聖法之義若言不應以其具相觀於如來非彼自性故由是法身自性故然彼如來自性法身可以具相而比知之有作斯難爲除疑意生起後文將顯何義頌曰

不應以色體 准如來法身 勿彼轉輪王
與如來齊等

此則報相之福亦名其相由彼成此故藉其福力得

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

論

龍藏全圖卷之三

五

斷

菩提故有作是說此則如來以其具相現證無上正覺爲除此意不應以具相如是等將顯何義頌曰

卽具相果報 圓滿福不許 能招於法身

由方便異性

由真法身是智自性故與彼福體性不同此二伽他要顯何義頌曰

若以色見我 以音聲求我 彼人起邪勤
不能當見我 應觀佛法性 卽導師法身
法性識難知 故彼不能了

此二頌中所說之義頌曰

唯見色聞聲 是人不知佛 此真如法身
非是識境故

此文意顯不應以色聲二種觀於如來由是異生不能見者此何爲也彼人起邪勤言彼異生妄起邪勤不依正道求見於我此云法性者卽是真如若言福不證菩提者此卽菩薩福業其果應斷爲釋此疑故有下文言此福性雖復不能親招覺處頌曰

其福不失亡 果報不斷絕 得忍亦不斷
以獲無垢故 更論於福因 爲此陳其喻
彼福無報故 正取非越取

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

由此是彼智資糧性故又復何爲更於其福而陳喻耶故云得忍亦不斷以獲無垢故更論其福因爲此陳其喻又有疑云既得無生法忍智乃不生菩薩諸福皆應斷絕爲顯福不斷絕至極清淨獲福旣多果報亦勝於不生法得無性者有二種無性由其二性體不生故經云妙生應正取不應越取者云何是正取不應越取答彼福無報故正取非越取凡所有福招果報者是可歟故當知彼取卽是越取如越正路而行嶮道而彼福不招報是故彼是正取非爲越取問菩薩福津旣不感報所獲之果如何可知答曰

彼福招化果 作利有情事 彼事由任運
成佛現諸方 去來等是化 正覺常不動
彼於法界處 非一異應知

諸佛世尊現衆變化非彼如來若來若去等故云彼事由任運成佛現諸方去來等是化正覺常不動爲顯斯義生起下文曾無有去亦不有來由此故名爲如來此有何意若如來有去來等異者彼卽不是如其常性無有變易微塵作墨喻者是誰之喻顯何事耶答曰

彼於法界處 非一異應知

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

論

前編卷之三

七

七

言彼如來於法界處非一非異性意顯斯事故彰其
喻頌曰

微塵將作墨 喻顯於法界

又世界爲墨喻顯何義頌曰

此論造墨事

爲障煩惱盡

非聚非集性

顯是非一性

於彼總集性

明其非異性

譬如造墨所有塵埃衆多極微性非一處其聚集物
非一事故亦非異性由總集故此由無有別別斷割
之理如是應知諸佛世尊於法界中煩惱障盡非一
處性亦非異性此卽兼述三千大千世界不是聚性

及是聚性其喻亦同如來說爲非是聚性是故說爲
極微聚者此顯何義若其聚物是其一者不應名此
爲極微聚又復若是二界者亦不應言三千大千世
界由此故云此卽是其有聚執也此卽如來說爲非
執不爲聚執故由其妄執是故說爲聚執欲明異此
餘悉應無無上正智復有何因諸凡愚類於實無聚
而執耶爲除斯難而云其聚執者但俗論說有如是
等此何所明頌曰

不了但俗言 諸凡愚妄執

妙生諸有說云如來宣說我見等者此明何義頌曰

論

龍藏金剛般若波羅蜜多要略卷下

八

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

論

前題論別釋卷第十一

人

虧

斷我法二種 非證覺無故

言我法二種體是無故此兩雖言得斷而亦不證菩提是誰之斷而能獲耶答由二見之斷彼二之見是所除故頌曰

是故見無見 無境虛妄執

由此故知我體是無諸有我見如來說爲非見以無境故意道所有我境元來是無文云故名我見者明虛妄分別有也如是於無我理顯見無見性已亦是顯其於法見無見性是故文云於一切法應如是知等然其法想亦是非相性故猶如我見復有何意此

之我法二見說爲非見性耶答曰

由此是細障 如是知故斷

是所顯義此之我法二見是其見取此謂細障由於二事如是正知非見性故方能除斷經云應如是知應如是見應如是解者此文說頌曰

由得二種智 及定彼方除

謂以覆俗勝義智及以此二所依之定方除彼障又論差別之福何所顯耶答頌曰

陳福明化身 非無無盡福

如來雖復任運廣爲化用然彼化身宣說正法即是

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

三言

卷之三

大

翻

無漏之福便成無有盡期云何正說等者此意爲顯如來不自言我是化身頌曰

諸佛說法時 不言身是化 由不自言故
是其真實說

此何所陳欲明如來雖爲衆生宣揚法化而不自說我是化身由作如是不正說故爲此名彼以爲正說意道若異此者於彼所化諸衆生輩不生極敬斯乃爲利多衆生事復是無法可說故若言如來爲多化身無盡說法如何彼復說有涅槃耶爲釋此疑說伽陀曰

如來涅槃證 非造亦不殊

非諸如來所證圓寂是其造作有爲自性望其造作復不是異雖現涅槃而是其化示同生死利益有情欲顯如來無住涅槃生死涅槃兩皆不住故復有何因示同生死而不住於生死因緣事耶答頌曰

一切有爲法 如星翳燈幻 露泡夢電雲
應作如是觀 此集造有九 以正智觀故

由以星等九事爲同法喻喻九種正智而觀於境何謂九觀應知即是九種所觀之事何謂所觀頌曰
見相及與識 居處身受用 過去并現存

論

卷之三

十

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

未至詳觀察

此中應觀見如星宿謂是心法正智日明亦既出已光全滅故應觀所緣境相如瞽目人覩髮團等是妄現故應觀其識猶若於燈此能依見由愛厭力而得生故應觀居處猶如於幻卽器世間有多奇質性不實故應觀其身譬如露滴暫時住故觀所受用猶若水泡其受用性是三事合所生性故應觀過去所有集造同於夢境但唯念性故應觀現在事同於電疾滅性故應觀未至體若重雲阿賴耶識在種子位體能攝藏諸種子故作斯九種觀察之時有何利益獲

何勝智頌曰

由觀察相故 受用及遷流 於有爲事中

獲無垢自在

比義云何觀有爲法有其三種一由觀見境識故卽是觀察集造有爲之相二由觀器界身及所用故卽是觀其受用於此由彼所受用也三由觀三世差別轉故卽是觀其遷流不住由此觀故便能於諸有爲法中獲無障礙隨意自在爲此縱居生死塵勞不染其智設證圓寂灰燼寧味其悲頌曰

由斯諸佛希有法 呷羅尼句義深邃

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

能斷金剛般若波羅蜜多經論釋卷下

能斷金剛般若波羅蜜多經論開

獲福令生速清淨

泰和信官郭承昊捐俸刻

能斷金剛般若波羅蜜多經論釋全部

論三卷
百九十九字一萬三千五
計寫銀五錢四分四厘

東湖信士郁慈明毛晉同對

計刻銀四兩七錢
共板二十塊

崇禎甲申季秋虞山華嚴閣識

江寧黃公容潘守誠刻
計寫銀八錢
共工價銀八錢

略明般若末後一頌讚述

義淨因譯無著菩薩般若頌釋訖詳夫大士判其九
喻可謂文致幽深理義玄簡自非地隣極喜誰能發
此明慧而西域相承云無著菩薩昔於覩史多天慈
氏尊處親受此八十頌開般若要門順瑜伽宗理明
唯識之義遂令教流印度若金烏之焰赫扶桑義闡
神州等玉兔之光浮雪嶺然而能斷金剛西方乃有
多釋考其始也此頌最先卽世親大士躬爲其釋此
雖神州譯訖而義有闕如故復親覈談筵重詳其妙
雅符釋意更譯本經世親菩薩復爲般若七門義釋

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

而那爛陀寺盛傳其論但爲義府幽沖尋者莫測有
師子月法師造此論釋復有東印度多聞俗士其名
月官遍檢諸家亦爲義釋斯等莫不意符三性不同
中觀矣更有別釋而但順龍猛不會瑜伽瑜伽則真
有俗無以三性爲本中觀乃真無俗有實二諦爲先
般若大宗含斯兩意致使東夏則道分南北西方乃
義隔有空旣識分綱理無和雜各准聖旨誠難爭競
然而末後一頌云一切有爲法如星翳燈幻露泡夢
電雲應作如是觀者而釋文旣隱恐尋者尚昧輒因
二九事喻聊題十八之作冀使朝覽遂閑庶罔銷神
論見

觀見如星長夜妄執

見心長夜景 妄執久冥舒 三心纔已發
兩分盡皆除

喻星

以星喻見夜有明無

榆星通夜景 柳色徹明舒 千條光若發

一旦盡皆除

論境

道境如翳妄覩空華

境色無非障 妄有見塵瑕 但由真智力

不復覩狂華

喻翳

以翳喻境元無妄執

太虛本無障 淨境性忘瑕 但由翳眼力

遂使見空華

論識

言識如燈生生不絕

見起起不已 妄生生未極 留滯死宮中

良由依識力

喻燈

以燈喻識焰焰無窮

發焰焰不已 舒光光未極 照灼炳霄中

良由膏油力

論界

說界如幻藉業生而會盡

業功莊處巧 由惑生衆相 妄執定非真

界體全虛妄

喻幻

以幻喻界假匠起而終無

幻師方便巧 假作衆形相 鞠體固非真

所見皆虛妄

論身

序身如露體不久停

投軀生巘際 寄命死河中 鎮處飄颻夜

還如橐籥風

喻露 以露喻身逢風必落

圓珠停草際 滴淚處華中 懷悽動林夜

索索盡隨風

論受用

陳用如泡待根境識

寰中根色積

託此腹心行 實由三觸合

遂令三受生

喻泡 以泡喻用假滴水風

池中平水積

滴墜有風行 但由三事合

乘使萬泡生

論過 述過如夢由思而起

過去雖無境

尋思意尚通 遂令方寸內

還見九城容

喻夢 以夢喻過因憶乃生

處畫多緣境

良宵記念通 遂令於睡內

重憶本時容

論現 談現如電暫時而有

萬像如電舒

四相等流光 詎知唯一念

妄計有三常

喻電 以電喻現倏忽便亡

震雷鳴四野 擊電動千光 刹那存有念

卽體自無常

論末 論末如雲本識能持其種

藏識無初結 波情浪後飛

良由有貪愛

帶種定何疑

喻雲

以雲喻末自體必含於潤

靈變屯雲結 煥爛景風飛

光華如可愛

含潤理無疑

更以

一句收事收喻撮其要義而爲一述

見心智滅如星殄

惑境真亡若翳除

想起由識如燈焰

界有藉思同幻車

一身暫顯同朝露

三受忽現等泡虛

憶念過時空夢發

計執現存奔電舒

旣知雨潤雲中住

末種常依識藏居

次下別據三性三身真俗般若以明觀行九喻解九
九事云

熟觀生界咸如此

智者應可務真常

真常實不玄圓成在目前

覺二體空蛇索盡

了一非無鏡月懸

鏡月懸時實無慮

但作他緣生福處

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

論

四百卷之二

五

唐二

唯識初心作有依 真如後念還無據

無據卽般若勝俗亡真假

福津如筏捐不捐

悲智隨生捨不捨

略明般若末後一頌讚述

音釋

醫

於計

目疾

火餘也

下革

切

覈考也

匹詣

切

讐語

憲山

形似

橐篋

素他各切

以灼

切

泰和信官郭承昊捐俸刻
 略明般若末後一頌讚述全部

東湖信士 郁慈明 毛晉 同對

崇禎甲申季秋虞山華嚴閣識

讀述
 共字一千四百四
 共六箇
 計寫銀五分八厘
 計刻銀五錢零七厘
 共板三塊
 計工價銀二錢二分
 長洲李如科銘寫
 容潘守誠同刻

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

論

西印度方言一卷

妙法蓮華經優波提舍卷上

大乘論師婆藪槃豆釋

元魏北天竺三藏法師菩提留支共沙門曇林等譯

頂禮正覺海

淨法無爲僧

爲深利智者

開示毗伽典

祈虔牟尼尊

及菩薩聲聞

令法自他利

略出勒伽辯

歸命過未來

現在佛菩薩

弘慈降神力

願施我無畏

大悲止四魔

護菩提增長

序品第一

如是我聞一時佛在王舍城耆闍崛山中與大比丘

衆萬二千人俱皆是阿羅漢諸漏已盡無復煩惱心得自在善得心解脫善得慧解脫心善調伏人中大龍應作者作所作已辦離諸重擔逮得已利盡諸有結善得正智心解脫一切心得自在到第一彼峯菩薩摩訶薩八萬人皆於阿耨多羅三藐三菩提不退轉皆得陀羅尼大辯才樂說轉不退轉法輪供養無量百千諸佛於諸佛所種諸善根常爲諸佛之所稱歎以大慈悲而修身心善入佛慧通達大智到於彼峯名稱普聞無量世界能度無數百千衆生釋曰此經法門初第一品示現七種功德成就此義

應知何等爲七一者序分成就二者衆成就三者如來欲說法時至成就四者依所說法威儀隨順住成就五者依止說因成就六者大衆現前欲聞法成就七者文殊師利菩薩答成就

序分成就者此法門中示現二種勝義成就此義應知何等爲二一者示現諸法門中最勝義成就二者示現自在功德義成就如王舍城勝於一切諸餘城舍者閻崛山勝餘諸山顯此法門最勝義故如經婆伽婆住王舍城者閻崛山中故

衆成就者有四種義故成就示現應知何等爲四一

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

者數成就二者行成就三者攝功德成就四者威儀如法住成就數成就者諸大眾無數故行成就者有四種一者謂諸聲聞修小乘行二者謂諸菩薩修大乘行三者謂諸菩薩神通自在隨時示現能修行大乘如毘陀波羅菩薩等十六大賢士具足菩薩不可思議事而常示現種種形相謂優婆塞優婆夷比丘比丘尼等四者謂出家聲聞威儀一定不同菩薩故皆是阿羅漢等有十六句示現聲聞功德成就皆於阿耨多羅三藐三菩提不退轉等有十三句示現菩薩功德成就聲聞功德成就者彼十六句三門攝義

示現應知何等三門一者上上起門二者總別相門三者攝取事門上上起門者謂諸漏已盡故名爲阿羅漢以心得自在故名爲諸漏已盡以無復煩惱故名爲心得自在以善得心解脫善得慧解脫故名爲心得自在以遠離能見所見故名爲無復煩惱以善得心解脫善得慧解脫故名爲心善調伏人中大龍者行諸惡道如平坦路無所拘礙應行者已行應到處已到故應作者作人中大龍已得對治降伏煩惱之怨敵故所作已辦者更不後生如相應事已成就故離諸重擔者以應作者作所作已辦後生重擔已

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

捨離故逮得已利者已捨重擔證涅槃故盡諸有結者以逮得已利斷諸煩惱因故善得正智心解脫者諸漏已盡故一切心得自在者善知見道修道智故到第一彼岸者善得正智心解脫善得神通無諍三昧等諸功德故大阿羅漢等者心得自在到彼岸故衆所知識者諸王王子大臣人民帝釋天王梵天王等皆識知故又復聲聞菩薩佛等是勝智者彼勝智者皆悉善知是故名爲衆所知識總別相門者皆是阿羅漢等十六句初句是總餘句別故彼阿羅漢名之爲應有十五種應義應知何等十五一者應受飲食臥具供養恭敬等故二者應將大衆教化一切故三者應入聚落城邑等故四者應降伏諸外道等故五者應以智慧速觀察法故六者應不疾不遲說法如法相應不疲倦故七者應靜坐空閑處飲食衣服一切資生不積不聚少欲知足故八者應一向行善行不著諸禪故九者應行空聖行故十者應行無相聖行故十一者應行無願聖行故十二者應降伏世間禪靜心故十三者應起諸通勝功德故十四者應證第一義勝功德故十五者應如實知同生諸衆得諸功德爲利益一切諸衆生故攝取事門者此十五

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

句攝取十種功德應知示現可說果不可說果故何等爲十一者攝取得功德二句示現如經諸漏已盡無復煩惱故二者三句攝取諸功德一句降伏世間功德如經心得自在故二句降伏出世間學人功德如經善得心解脫善得慧解脫故三者攝取不違功德隨順如來教行故如經心善調伏故四者攝取勝功德如經人中大龍故五者攝取所應作勝功德所應作者謂能依法供養恭敬尊重如來如經應作者作故六者攝取滿足功德滿足學地故如經所作已辦故七者三句攝取過功德一者過愛二者過求命經到第一彼岸故

供養恭敬三者過上下界已過學地故如經離諸童擔故逮得己利故盡諸有結故八者攝取上上功德如經善得正智心解脫故九者攝取應作利益衆生功德如經一切心得自在故十者攝取上首功德如經到第一彼岸故

菩薩功德成就者彼十三句二門攝義示現應知何等二門一者上支下支門二者攝取事門上支下支門者所謂總相別相此義應知皆於阿耨多羅三藐三菩提不退轉者是總相餘者是別相彼不退轉十種示現此義應知何等爲十一者住聞法不退轉如

經皆得陀羅尼故二者樂說不退轉如經大辨才樂說故三者說不退轉如經轉不退轉法輪故四者依止善知識不退轉以身心業依色身攝取故如經供養無量百千諸佛故於諸佛所種諸善根故五者斷一切疑不退轉如經常爲諸佛之所稱歎故六者爲何等何等事說法入彼彼法不退轉如經以大慈悲而修身心故七者入一切智如實境界不退轉如經善入佛慧故八者依我空法空不退轉如經通達大智故九者入如實境界不退轉如經到於彼岸故十者作所應作不退轉如經名稱普聞無量世界能度

無數百千衆生故攝取事門者示現諸菩薩住何等清淨地中以何等方便於何等境界中作所應作故地清淨者八地已上三地無相行寂靜清淨故方便者有四種一者攝取妙法方便住持妙法以樂說力爲人說故二者攝取善知識方便以依善知識作所應作故三者攝取衆生方便以不捨衆生故四者攝取智方便以教化衆生令入彼智故又復更有攝取事門示現諸地攝取勝功德不同二乘諸功德故謂第八地中無功用智不同下上故不同下者下功用不能動故不同上者上無相行不能動自然而行

故第九地中得勝進陀羅尼門具足四無礙自在智故第十地中不退轉法輪得受佛位如轉輪王之太子故以得同攝功德義故攝功德成就者示現依何處依何心依何智依何等境界行依何等能辯故依何處者依善知識故依何心者依教化衆生心畢竟利益一切衆生故依何智者依三種智一者授記密智二者諸通智三者真實智依何等境界行依何等能辯者卽三種智所攝應知威儀如法住成就者四種示現何等爲四一者衆圍遶二者前後三者供養恭敬四者尊重讚歎如經爾時世尊四衆圍遶供養

恭敬尊重讚歎故

如來欲說法時至成就者爲諸菩薩說大乘經故此大乘修多羅有十七種名顯示甚深功德應知何等十七云何顯示一名無量義經者成就字義故以此法門說彼甚深法妙境界故彼甚深法妙境界者諸佛如來最勝境界故二名最勝修多羅者於三藏中最勝妙藏此法門中善成就故三名大方廣經者無量大乘門中善成就故隨順衆生根住持成就故四名教菩薩法者以爲教化根熟菩薩隨順法器善成就故五名佛所護念者以依如來有此法故六名一

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

論

妙法蓮華經卷第十一

十一

偈

切諸佛祕密法者此法甚深唯佛知故七名一切諸佛之藏者如來功德三昧之藏在此經故八名一切諸佛祕密處者以根未熟衆生等非受法器不授與故九名能生一切諸佛經者聞此法門能成諸佛大菩提故十名一切諸佛之道場者以此法門能成諸佛阿耨多羅三藐三菩提非餘修多羅故十一名一切諸佛所轉法輪者以此法門能破一切諸障礙故十二名一切諸佛堅固舍利者謂如來真實法身於此修多羅不敗壞故十三名一切諸佛大巧方便經者依此法門成大菩提已爲衆生說天人聲聞辟支

佛等諸善法故十四名說一乘經者以此法門顯示如來阿耨多羅三藐三菩提究竟之體彼一乘道非究竟故十五名第一義住者以此法門卽是諸佛如來法身究竟住處故十六名妙法蓮華經者有二種義何等二種一者出水義以不可盡出離小乘泥濁水故又復有義如彼蓮華出於泥水喻諸聲聞得入如來大衆中坐如諸菩薩坐蓮華上聞說如來無上智慧清淨境界得證如來深密藏故二華開義以諸衆生於大乘中其心怯弱不能生信是故開示諸佛如來淨妙法身令生信心故十七名最上法門者攝

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

成就故攝成就者攝取無量名句字身有頻婆羅阿
閻婆等舒盧迦偈故此十七句法門是總餘句是別
如經爲諸菩薩說大乘經名無量義如是等故

依所說法威儀隨順住成就者示現依何等何等法
說法依三種法故一者依三昧成就以三昧成就二
種示現一者成就自在力身心不動故二者離一切
障隨自在力故此自在力復有一種一爲隨順衆生
不見對治攝取覺菩提分法故二爲對治無量世來
堅執煩惱故如經佛說此經已結跏趺坐入於無量
義處三昧身心不動如是等故二者依器世間三者
心觀佛故

依止說因成就者爲諸大衆示現異相不思議事大
衆見已生希有心渴仰欲聞生如是念如來今者應
爲我說故名依止說因成就是故如來放大光明示
現他方諸世界中種種諸事故先爲大衆示現外事
六種震動等次爲示現此法門中內證甚深微密之
法又依器世間衆生世間數種種量種種具足煩惱
差別具足清淨差別佛法弟子差別示現三寶故復

乘差別有世界有佛有世界無佛令衆生見修行者
未得果得道者已得果如經諸修行得道者故數種
種者示現種種觀故略說四種觀一者食二者聞法
三者修行四者樂如經爾時佛放眉間白毫相光次
第乃至以佛舍利起七寶塔故行菩薩道者教化衆
生依四攝法方便攝取此義應知如經所說當自推
取

自此以下示現大眾欲聞現前法成就問一人者多
人欲聞生希有心是故唯問文殊師利如是示現世
尊弟子隨順於法不相違故今佛世尊現神變相者
爲何等義爲說大法故現大相以爲說因現大相者
爲說妙法蓮華經故現大瑞相爲說如來所得妙法
不可思議等文字章句故有二種義是故仰推文殊
師利何等爲二一者現見諸法故二者離諸因緣唯
自內心成就彼法故示現種種諸瑞相者以爲示現
彼事故如彼事相現沒住滅應當善知以文殊師
利能記彼事故以文殊師利所作成就因果成就現
見彼法故所作成就者此有二種一者功德成就二
者智慧成就因成就者一切智成就故又復有因謂
緣因故緣因成就者衆相具足故果成就者說大法

故種種異異佛國土者爲此示現彼國土中種種異
異差別應知淨妙國土者謂無煩惱衆生住處如經
照於東方萬八千世界次第乃至悉見彼佛國界莊
嚴故如來爲上首者諸菩薩等依如來住故以彼如
來於彼國土諸大衆中得自在故如經又見彼土現
在諸佛如是等故

自此已下文明聖者文殊師利以宿命智現見過去
因相果相成就十事如現在前是故能答彌勒菩薩
云何現見過去因相謂文殊師利自見已身曾於彼
彼諸國土中處處修行種種行事故云何現見過去
果相謂文殊師利自見已身是過去世妙光菩薩於
彼佛所聞此法門爲衆生說故何等名爲成就十事
一者現見大義因成就二者現見世間文字章句意
甚深因成就三者現見希有因成就四者現見勝妙
因成就五者現見受用大因成就六者現見攝取一
切諸佛轉法輪因成就七者現見善堅實如來法輪
因成就八者現見能進入因成就九者現見憶念因
成就十者現見自身所經事因成就大義因成就者
八句示現此義應知何等爲八一者欲論大法二者
欲雨大法雨三者欲擊大法鼓四者欲建大法幢五

4 5 6 7 8 9 80

1 2 3 4 5 6 7 8 9 90

1 2 3 4 5 6 7 8 9 100

者欲然大法燈六者欲吹大法螺七者欲不斷大法鼓八者欲說大法此八句欲示現如來欲論大法等故何等名爲八種大義謂有疑者爲斷疑故已斷疑者增長淳熟彼智身故根淳熟者爲說二種微密境界一者聲聞歡喜境界二者菩薩微密境界大法鼓者二句示現以逐聞故入密境界者令彼進取上上清淨義故進取上上清淨義者令彼進取一切種智得現見故令彼進取一切種智得現見者爲一切法建立名字章句義故建立名字章句義者令入不可說證智轉法輪故現見世間名字章句義甚深因成就者如經我於過去諸佛曾見此瑞次第乃至故現斯瑞故現見希有因成就者以無量時不可得故不可思議不可稱不可量者示現過彼阿僧祇劫不可得故又復示現五種劫故所謂一夜二晝三月四時五年示現無量無邊諸劫故如經如過去無量無邊不可思議阿僧祇劫爾時有佛號日月燈明次第乃至令得阿耨多羅三藐三菩提成一切種智故現見勝妙因成就者示現諸佛及諸菩薩自受用故如經次復有佛亦名日月燈明次第乃至所可說法初中後善故現見受用大因成就者是時王子受勝妙樂

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

各捨出家復彼大眾於爾許時心不疲倦故如經其最後佛未出家時次第乃至佛授記已便於中夜入無餘涅槃故現見攝取一切諸佛轉法輪因成就者法輪不斷故如經佛滅度後妙光菩薩持妙法蓮華經滿八十小劫爲人演說故現見善堅實如來法輪因成就者佛滅度後無量時說故如經日月燈明佛八子皆師妙光次第乃至皆令堅固阿耨多羅三藐三菩提心故現見能進入因成就者彼諸王子得大菩提故如經是諸王子次第乃至皆成佛道故現見憶念因成就者爲他說法利益他故如經其最後成佛者名曰然燈次第乃至尊重讚歎故現見自身所經事因成就者以自身受勝妙樂故如經彌勒當知次第乃至佛所護念故汝號求名者示現知彼過事故又復示現今得彼法具足故自此已下示現所說法因果相應知

方便品第二

經曰爾時世尊入甚深三昧正念不動以如實智觀從三昧安詳而起起已卽告尊者舍利弗言舍利弗諸佛智慧甚深無量其智慧門難見難覺難知難解難入如來所證一切聲聞辟支佛等所不能知何以

1 2 3 4 5 6 7 8 9 10 11 12 13 14 15 16 17 18 19 20

論

妙法蓮華經卷第十一

三

虧

故舍利弗如來應正遍知已曾親近供養無量百千萬億無數諸佛於百千億那由他佛所盡行諸佛所修阿耨多羅三藐三菩提法舍利弗如來已於無量百千億那由他劫勇猛精進所作成就名稱普聞舍利弗如來畢竟成就希有之法舍利弗難解之法如來能知舍利弗難解法者諸佛如來隨宜所說意趣難解一切聲聞辟支佛等所不能知何以故舍利弗諸佛如來自在說因成就故舍利弗如來成就種種方便種種知見種種念觀種種言辭舍利弗吾從成佛已來於彼彼處廣演言教無數方便引導衆生於諸著處令得解脫舍利弗如來知見方便到於彼岸舍利弗如來知見廣大深遠無障無礙力無所畏不共法根力菩提分禪定解脫三昧三摩跋提皆已具足舍利弗諸佛如來深入無際成就一切未曾有法舍利弗如來能種種分別巧說諸法言辭柔軟悅可衆心止舍利弗不須復說舍利弗佛所成就第一希有難解之法舍利弗唯佛與佛說法諸佛如來能知彼法究竟實相舍利弗唯佛如來知一切法舍利弗唯佛如來能說一切法何等法云何法何似法何相法何體法何等云何何似何相何體如是等一切法

4 5 6 7 8 9 80 1 2 3 4 5 6 7 8 9 90

1 2 3 4 5 6 7 8 9

100 1 2 3

論

文選卷之四

古

經

如來現見非不現見

釋曰爾時世尊入甚深三昧正念不動以如實智觀從三昧安詳而起起已卽告舍利弗者示現如來得自在方故如來入定無能驚寤故何故唯告尊者舍利弗不告其餘聲聞等者隨深智慧與如來相應故何故不告諸菩薩者有五種義一者爲諸聲聞所應事故二者爲諸聲聞迴心趣向大菩提故三者護諸聲聞恐怯弱故四者爲令餘人善思念故五者爲諸聲聞不起所作已辦心故

諸佛智慧甚深無量者爲諸大衆生尊重心畢竟欲

聞如來說故言甚深者顯示二種甚深之義應如是知何等爲二一者證甚深謂諸佛智慧甚深無量故二者阿含甚深謂智慧門甚深無量故言甚深者此是總相餘別相證甚深者五種示現一者義甚深謂依何等義甚深故二者實體甚深三者內證甚深四者依止甚深五者無上甚深何者甚深謂大菩提大菩提者如來所證阿耨多羅三藐三菩提故云何甚深一切聲聞辟支佛等所不能知故名甚深言智慧者謂一切種一切智義故如經諸佛智慧甚深無量其智慧門難見難覺難知難解難入一切聲聞辟支

4 5 6 7 8 9 80

1 2 3 4 5 6 7 8 9 90

1 2 3 4 5 6 7 8 9 100

論

妙法蓮華經疏卷第十一

三

新

佛等所不能知故阿舍甚深者八種示現一者受持
讀誦甚深如經已曾親近供養無量百千萬億無數
諸佛故二者修行甚深如經於百千萬億那由他佛
所盡行諸佛所修阿耨多羅三藐三菩提法故三者
果行甚深如經舍利弗如來已於無量百千億那由
他劫勇猛精進所作成就故四者增長功德心甚深
如經名稱普聞故五者快妙事心甚深如經舍利弗
如來畢竟成就希有之法故六者無上甚深如經舍
利弗難解之法如來能知故七者入甚深入甚深者
名字章句意難得故自以住持不同外道說因緣法
名爲甚深如經舍利弗難解法者諸佛如來隨宜說
法意趣難解故八者不共聲聞辟支佛所作住持甚
深如經一切聲聞辟支佛等所不能知故
妙法蓮華經優婆提舍卷上

論

妙法蓮華經疏卷第十一

三

三

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

論

妙法蓮華經優波提舍卷下

六

唐

妙法蓮華經優波提舍卷下

大乘論師婆藪槃豆釋

元魏北天竺三藏法師菩提留支共沙門曇林等譯

方便品之餘

如是已說妙法功德具足次說如來法師功德成就應知如經何以故舍利弗諸佛如來自在說因成就故如來成就四種功德故能度衆生何等爲四一者住成就如經舍利弗如來成就種種方便故種種方便者謂從兜率天中退沒乃至示現入涅槃故二者教化成就如經種種知見故種種知見者示現染淨

論

妙法蓮華經優波提舍卷下

一

秀四

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100

諸因故三者功德畢竟成就如經種種念觀故種種
 念觀者以說彼法成就因緣如法相應故四者說成
 就如經種種言辭故種種言辭者以四無礙智依何
 等何等名字章句隨何等何等衆生能受而爲說故
 又復有義種種方便者種種方便示現外道所有邪
 法如是如是種種過失故種種方便示現諸佛所有
 正法如是如是種種功德故如經舍利弗吾從成佛
 已來廣演言敎無數方便引導衆生於諸著處令得
 解脫故又無數方便者方便令入諸善法故又方便
 者斷諸疑故又方便者令人增上勝智中故又方便
 者依四攝法攝取衆生令得解脫故諸著處者彼處
 著或著諸界或著諸地或著諸分或著諸乘著諸
 界者謂著欲色無色界故著諸地者謂著界故依於
 三昧取禪定地謂初禪地乃至非想非非想地及取
 滅盡定地等故著諸分者謂著在家出家分故著在
 家分者著已同類作種種業邪見等故著出家分者
 著名聞利養種種覺煩惱等故著諸乘者著聲聞乘
 菩薩乘故著聲聞乘者樂持小乘戒求須陀洹斯陀
 含阿那含阿羅漢等故著大乘者謂著利養供養恭敬
 等故著分別觀種種法相乃至佛地故又復種種

4 4 5 6 7 8 9 80

90

100

論

如來道場經卷第十一

二

劇

知見者自身成就不可思議勝妙境界與諸聲聞菩薩等故如經舍利弗如來知見方便到於彼岸故到彼岸者勝餘一切諸菩薩故又復種種念觀者如經舍利弗如來知見廣大深遠無障無礙力無所畏不共法根力菩提分禪定解脫三昧三摩跋提皆已具足故又第一成就可化衆生依善知識而成就故第二成就根熟衆生令得解脫故第三成就力家自在淨降伏故第四成就復有七種一者種種成就如經舍利弗諸佛如來深入無際成就一切未會有法故二者言語成就謂得五種美妙音聲言語說法如經

如來能種種分別巧說諸法言辭柔軟悅可衆心故三者相成就如經止舍利弗不須復說故有法器衆生心已滿足故四者堪成就所有一切可化衆生皆知如來成就希有勝功德故如經舍利弗佛所成就第一希有難解之法故五者無量種成就說不可盡如經舍利弗唯佛與佛說法諸佛如來能知彼法究竟實相故言實相者謂如來藏法身之體不變義故六者覺體成就如來所說一切諸法唯佛如來自證得故如經舍利弗唯佛如來知一切法故七者隨順衆生意爲說修行法成就彼法何等如是等故如經

論

少吉道場經卷第十一

三

四

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

論

妙法蓮華經卷第十一

三

翻

舍利弗唯佛如來能說一切法故第一種種法門攝取衆生故第二令不散亂住故第三令取故第四令得解脫故第五令彼修行成就得對治法故第六令彼修行進趣成就故第七令得修行不退失故此七種法爲諸衆生自身所作善成就故又與教化令成就者與二種法令彼成就何等爲一一與證法二與說法一與證法令成就者謂依證法而授與故二與說法令成就者謂依說法而說與故此二種法如向前說依此二法有何次第而得修行卽彼前文重說應知又依證法復有五種一者何等法二者云何法三者何似法四者何相法五者何體法故何等法者謂聲聞法辟支佛法諸佛法故云何法者謂起種種諸事說故何似法者依三種門得清淨故何相法者謂三種義一相法故何體法者無二體故無二體者謂無量乘唯一佛乘無二乘故又復有義何等法者所謂有爲無爲法等云何法者謂因緣法非因緣法等何似法者所謂常法無常法等何相法者謂生等三相法不生等三相法何體法者謂五陰體非五陰體故又何似法者謂無常法有爲法因緣法又何相法者謂可見相等法又何體法者所謂五陰能取可

論

少去董匿坐覺支是今卷小

四

四

取以五陰是苦集體故又五陰者是道諦體故復有異義依說法說何等法者所謂名句字身等故云何法者謂依如來所說法故何似法者謂能教化可化者故何相法者依音聲取以依音聲取彼法故何體法者謂假名體法相義故

自此已下次依示現三種義說一者決定義二者疑義三者依何事疑義應當善知決定義者有聲聞方便得證深法作決定心相聲聞道中得方便涅槃證故如是二種證法示現有爲無爲法故如經爾時大衆中有諸聲聞漏盡阿羅漢次第乃至亦得此法到於涅槃故言疑義者謂諸聲聞辟支佛等不能得知是故生疑如經而今不知是義所趣故依何事疑義者聞如來說聲聞解脫與我解脫不異不別是故生疑謂生疑者生因中疑此事云何此事云何此以如來數數爲說甚深境界前說甚深後說甚深不同聲聞以如是故生疑如經爾時舍利弗知四衆心疑次第乃至而說偈言

自此以下次依示現四種事說一者決定心二者因授記三者取授記四者與授記應當善知云何決定心已生驚怖者令斷驚怖以爲利益二種人故是故

4 5 6 7 8 9 80 1 2 3 4 5 6 7 8 9 90

1 2 3 4 5 6 7 8 9 100 1 2 3

如來有決定心此驚怖者五種應知一者損驚怖謂小乘衆生如所聞聲取以爲實謗無大乘起如是心如來說言阿羅漢果究竟涅槃我畢竟取如是涅槃是故羅漢不入涅槃如是驚怖二者多事驚怖謂大乘衆生聞菩薩道劫數長遠種種苦行起如是心佛道長遠我於無量無邊劫中行菩薩行久受勤苦如是念故生驚怖心以是故起取異乘心如是驚怖三者顛倒驚怖謂心分別有我我所種種身現諸不善法如是驚怖四者心悔驚怖謂大德舍利弗等起如是心言我不應修證如是小乘之法如是悔已心卽自止卽此心悔名爲驚怖此義應知五者誑驚怖謂增上慢聲聞之人起如是心云何如來誑於我等如是驚怖因授記者如經止止舍利弗不須復說若說是事一切世間諸天人等皆生驚怖故此因授記者皆生驚怖者有三種義一者欲令彼諸大衆推求甚深妙境界故二者欲令彼諸大衆生尊重心畢竟欲聞如來說故三者欲令諸增上慢聲聞之人捨離法座而起去故第二請者示現過去無量諸佛教化衆生如經是會無數次第乃至聞佛所說則生敬信故第三請者示現今佛教化衆生如經今此會中如我等

比次第乃至長夜安隱多所饒益故取授記者以舍利弗等欲得授記如經佛告舍利弗汝已三請豈得不說汝今諦聽如是等故與授記者六種應知一者未聞令聞二者說三者依何等義四者令住五者依法六者遮未聞令聞者如經舍利弗如是妙法諸佛如來時乃說之如優曇鉢華如是等故說者如經舍利弗我以無數方便種種因緣譬喻言辭演說諸法如是等故種種因緣者所謂三乘彼三乘者唯有名字章句言說非有實義以彼實義不可說故依何等義者如經舍利弗諸佛世尊唯以一大事因緣故出現於世如是等故一大事者依四種義應當善知何等爲四一者無上義唯除如來一切智知更無餘事如經欲開佛知見令衆生知得清淨故出現於世故佛知見者如來能證以如實知彼深義故二者同義謂諸聲聞辟支佛法身平等如經欲示衆生佛知見故出現於世故法身平等者佛性法身無差別故三者不知義謂諸聲聞辟支佛等不能知彼真實處故此言不知真實處者不知究竟唯一佛乘故如經欲令衆生悟佛知見故出現於世故四者令證不退轉地示現欲與無量智業故如經欲令衆生入佛知

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

見故出現於世故又復示者爲諸菩薩有疑心者令知如實修行故又悟入者未發心者令發心故已發心者令人法故又復悟者令外道衆生生覺悟故又復入者令得聲聞小乘果者入菩提故令住者如經舍利弗但以一佛乘故爲衆生說法故依法者如經舍利弗過去諸佛以無量無數方便種種譬喻因緣念觀方便說法是法皆爲一佛乘故如是等故言譬喻者如依牛故得有乳酪生酥熟酥乃以醍醐此五味中醍醐第一小乘不如其猶如乳大乘爲最猶如醍醐此喻所明大乘無上諸聲聞等亦同大乘無上

義故聲聞同者此中示現諸佛如來法身之性同諸凡夫聲聞之人辟支佛等法身平等無差別故此義皆是譬喻示現因緣之義如前所說言念觀者小乘諦中人無我等大乘諦中真如實際法界法性及人無我法無我等種種觀故言方便者於小乘中觀陰界入獸苦離苦得解脫故於大乘中諸波羅蜜以四攝法攝取自身他身利益對治法故遮者如經舍利弗十方世界中尚無二乘何況有三如是等故無二乘者謂無二乘所得涅槃唯有如來證大菩提究竟滿足一切智慧名大涅槃非諸聲聞辟支佛等有涅

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

槃法唯一佛乘故一佛乘者依四種義說應當善知
如來依此六種授記是故前說何等法云何法何似
法何相法何體法如是示現何等法者謂未曾聞故
云何法者謂種種言辭譬喻顯說故何似法者所謂
唯爲一大事故何相法者爲隨衆生器說諸佛法故
何體法者所謂唯有一乘體故一乘體者所謂諸佛
如來平等法身彼諸聲聞辟支佛乘非彼平等法身
之體以因果行觀不同故

自此已下如來說法爲斷四種疑心應知何等四疑
一疑何時說二疑云何知是增上慢人三疑云何堪

說四疑云何如來不成妄語何時說者諸佛如來於
何等時起種種方便說法爲斷此疑如經舍利弗諸
佛出於五濁惡世所謂劫濁如是等故云何知是增
上慢人者如來不爲增上慢人而說諸法云何知彼
是增上慢爲斷此疑如經若有比丘實得阿羅漢者
若不信是法無有是處如是等故云何堪說者從佛
聞法而起謗心如來應是不堪說人云何不成不堪
說人爲斷此疑如經除佛滅度後現前無佛如是等
故云何如來不成妄語者此以如來先說法異今說
法異云何如來不成妄語爲斷此疑如經舍利弗汝

4 4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

等應當一心信解受持佛語諸佛如來言無虛妄無有餘乘唯一佛乘故乃至童子戲聚沙爲佛塔如是諸人等皆已成佛道者謂發菩提心行菩薩行者所作善根能證菩提非諸凡夫及決定聲聞本來未發菩提心者之所能得如是乃至小低頭等皆亦如是譬喻品第三

尊者舍利弗所說偈言

金色三十二 十力諸解脫 同共一法中
而不得此事 八十種妙好 十八不共法
如是等功德 而我皆已失

釋曰此偈示現何義尊者舍利弗自訶責身言我不見諸佛不往諸佛所及聞佛說法不供養恭敬諸佛無利益衆生事於未得法退尊者舍利弗作如是等訶責自身不見佛者示現不見諸佛如來大人之相不生恭敬供養心故往佛所者示現教化衆生力故放金色光明者示現見佛自身異身獲得無量諸功德故聞說法者示現能作一切衆生之利益故力者示現衆生有疑依十種力斷彼疑故供養者示現能教化衆生力故十八不共法者示現遠離諸障礙故恭敬者示現出生無量福德依如來教得解脫故以

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

人無我及法無我一切諸法悉皆平等是故尊者舍利弗自訶責身言我未得如是法故於未得中退故自此已下次爲七種具足煩惱染性衆生說七種喻對治七種增上慢心此義應知又復次爲三種染慢無煩惱人三昧解脫見等染慢對治此故說三種平等此義應知何者七種具足煩惱染性衆生一者求勢力人二者求聲聞解脫人三者大乘人四者有定人五者無定人六者集功德人七者不集功德人何等七種增上慢心云何七種譬喻對治一者顛倒求諸功德增上慢心謂世間中諸煩惱染熾然增上而

求天人勝妙境界有漏果報對治此故爲說火宅譬喻應知二者聲聞一向決定增上慢心自言我乘與如來乘等無差別如是倒取對治此故爲說窮子譬喻應知三者大乘一向決定增上慢心起如是意無別聲聞辟支佛乘如是倒取對治此故爲說雲雨譬喻應知四者實無謂有增上慢心以有世間三昧三摩跋提實無涅槃生涅槃想如是倒取對治此故爲說化城譬喻應知五者散亂增上慢心實無有定過去雖有大乘善根而不覺知不覺知故不求大乘狹劣心中生虛妄解謂第一乘如是倒取對治此故爲

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

說繫寶珠譬喻應知六者實有功德增上慢心聞大乘法取非大乘如是倒取對治此故爲說輪王解自髻中明珠與之譬喻應知七者實無功德增上慢心於第一乘不曾修習諸善根本聞第一乘心中不取以爲第一如是倒取對治此故爲說醫師譬喻應知第一人者示世間中種種善根三昧功德方便令喜然後令人入大涅槃故第二人者以三爲一令人入大乘故第三人者令知種種乘諸佛如來平等說法隨諸衆生善根種子而生芽故第四人者方便令人入涅槃城故涅槃城者所謂諸禪三昧城故過後城已然後

令人入大涅槃城故第五人者示其過去所有善根令憶念已然後教令人三昧故第六人者說大乘法以此法門同十地行滿諸佛如來密與授記故第七人者根未淳熟爲令熟故如是示現得涅槃量爲是義故如來說此七種譬喻何者三種無煩惱人三種染慢所謂三種顛倒信故何等爲三一者信種種乘異二者信世間涅槃異三者信彼此身異爲對治此三種染慢故說三種平等應知何者名爲三種平等云何對治一者乘平等謂與聲聞授菩提記唯一大乘無二乘故是乘平等無差別故二者世間涅槃平等

4 5 6 7 8 9 80

1 2 3 4 5 6 7 8 9 90

1 2 3 4 5 6 7 8 9 100

論

妙法蓮華經疏卷第

三

衛

以多寶如來入於涅槃世間涅槃彼此平等無差別故三者身平等多寶如來已入涅槃復示現自身他身法身平等無差別故如是三種無煩惱人染慢之心見彼此身所作差別不知彼此佛性法身悉平等故謂卽此人我證此法故彼人不得此對治故與諸聲聞授記應知

問曰彼聲聞等爲實成佛故與授記爲不成佛與授記耶若實成佛菩薩何故於無量劫修習無量種種功德若不成佛云何與之虛妄授記答曰彼聲聞等得授記者得決定心非謂聲聞成就法性如來依彼

三種平等說一乘法以佛法身聲聞法身平等無異故與授記非卽具足修行功德是故菩薩功德具足諸聲聞人功德未足言授記者六處示現五是佛記一菩薩記如來記者謂舍利弗大迦葉等衆所知識名號不同故別與記富樓那等五百人千二百人等同一名故俱時與記學無學等皆同一號又復非是衆所知識故同與記如來與彼提婆達多授別記者示現如來無怨惡故與比丘尼及諸天女授佛記者示現女人在家出家修菩薩行皆證佛果故與授記菩薩授記者如下文不輕菩薩品中示現應知禮拜

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

讀歎作如是言我不輕汝汝等皆當得作佛者示現衆生皆有佛性故言聲聞人得授記者聲聞有四種一者決定聲聞二者增上慢聲聞三者退菩提心聲聞四者應化聲聞二種聲聞如來授記謂應化者退已還發菩提心者若決定者增上慢者二種聲聞根未熟故如來不與授記應化聲聞是大菩薩與授記者方便令發菩提心故又依何義佛說三乘名爲一乘依同義故授諸聲聞大菩提記言同義者以佛法身聲聞法身彼此平等無差別故以諸聲聞辟支佛等乘不同故有差別以彼二乘非大乘故如來說言

不離我身是無上義一切聲聞辟支佛等二乘法中不說此義以其不能如實解故以是義故諸菩薩等行菩薩行非爲虛妄無上義者自餘經文明無上義無上義者略有十種此義應知何等爲十一者示現種子無上故說雨譬喻汝等所行是菩薩道者謂發菩提心退已還發者前所修行善根不滅同後得果故二者示現行無上故說大通智勝如來本事等三者示現增長力無上故說商主譬喻四者示現令解無上故說繫寶珠譬喻五者示現清淨國土無上故示現多寶如來塔六者示現說無上故說解髻中明

4 4 5 6 7 8 9 80 1 2 3 4 5 6 7 8 9 90

1 2 3 4 5 6 7 8 9 100 1 2 3

論語卷第十一

論

珠譬喻七者示現教化衆生無上故地中涌出無量菩薩摩訶薩等八者示現成大菩提無上故示現三種佛菩提故一者示現應化佛菩提隨所應見而爲示現如經皆謂如來出釋氏宮去伽耶城不遠坐於道場得成阿耨多羅三藐三菩提故二者示現報佛菩提十地行滿足得常涅槃證故如經善男子我實成佛已來無量無邊百千萬億那由他劫故三者示現法佛菩提謂如來藏性淨涅槃常恒清涼不變等義如經如來如實知見三界之相次第乃至不如三界見於三界故三界相者謂衆生界卽涅槃界不離衆生界有如來藏故無有生死若退若出者謂常恒清涼不變義故亦無在世及滅度者謂如來藏真如意體不卽衆生界不離衆生界故非實非虛非如非異者謂離四種相有四種相者是無常故不如三界見於三界者謂佛如來能見能證真如法身凡夫不見故是故經言如來明見無有錯謬故我本行菩薩道今猶未滿者以本願故衆生界未盡願非究竟故言未滿非謂菩提不滿足也所成壽命復倍上數者此文示現如來常命善巧方便顯多數故過上數量不可數知我淨土不毀而衆見燒盡者報佛如來真

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

論

妙法蓮華經卷第十一

三

新

實淨土第一義諦之所攝故九者示現涅槃無上故說醫師譬喻十者示現勝妙力無上故自餘經文示現應知多寶如來塔示現一切佛土清淨者示現說佛實相境界中種種諸寶間錯莊嚴故示現有八一者塔二者量三者略四者住持五者不現無量佛六者離穢七者多寶八者同一塔坐塔者示現如來舍利住持故量者方便示現一切佛土清淨莊嚴是出世間清淨無漏善根所生非是世間有漏善根之所生也略者示現多寶佛身一體攝取一切諸佛真法身故住持者示現諸佛如來法身自在力故示現無

量佛者示現彼此所作諸業無差別故遠離穢者示現一切諸佛國土平等清淨故多寶者示現一切諸佛國土同實性故同一塔坐者示現化佛非化佛法佛報佛等皆爲成大事故

自此已下示現法力修行力應知法力者五門示現一者證門二者信門三者供養門四者聞法門五者讀誦持說門彌勒菩薩品中示現四門常精進菩薩品中示現一門彌勒菩薩品中四法門者一是證門如經我說是如來壽命長遠時六百八十萬億那由他恒河沙等衆生得無生法忍故此言無生法忍者

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

論

妙法蓮華經疏卷第

二

衛

所謂初地證智應知八生乃至一生得阿耨多羅三藐三菩提者謂證初地菩提法故八生一生者謂諸凡夫決定能證初地故隨力隨分八生乃至一生皆證初地故此言阿耨多羅三藐三菩提者以離三界分段生死隨分能見真如佛性名得菩提非謂究竟滿足如來方便涅槃也二是信門如經復有八世界微塵數衆生皆發阿耨多羅三藐三菩提心故三供養門如經是諸菩薩摩訶薩得大法利時於虛空中爾曼陀羅華如是等故四聞法門如隨喜品所說應知常精進菩薩品中一法門者謂讀誦解說書寫等

得六根清淨如經若善男子善女人受持法華經若讀若誦若解說若書寫是人當得八百眼功德次第乃至得千二百意功德故此得六根清淨者謂諸凡夫以經力故得勝根用未入初地菩薩正位此義應知如經以父母所生清淨肉眼見于三千大千世界如是等故又六根清淨者於一根中悉能具足見色聞聲辨香別味覺觸知法諸根互用此義應知眼所見者聞香能知如經釋提桓因在勝殿上五欲娛樂乃至說法故聞香知者此是智境以鼻根知持力者有三法門示現持力如法師品安樂行品勸持品

等廣說法力如經應知其心決定知水必近者受持此經佛性水成阿耨多羅三藐三菩提故修行力者五門示現一者說力二者行苦行力三者護衆生諸難力四者功德勝力五者護法力說力者有三法門神力品示現一者出廣長舌令憶念故二者謂警歎聲說偈令聞故令聞聲已如實修行不放逸故三者彈指覺悟衆生令修行者得覺悟故行苦行力者藥王菩薩品示現教化衆生故又行苦行力者妙音菩薩品示現教化衆生故護衆生諸難力者觀世自在菩薩品陀羅尼品示現功德勝力者妙莊嚴王品示現二童子依過去世功德善相有如是力護法力者普賢菩薩品及後品示現又言受持觀世自在菩薩名號若人受持六十二億恒河沙等諸佛名號福德等者有二種義一者信力故二者畢竟知故信力者有二種一者我身如彼觀世自在無異畢竟信故二謂於彼生恭敬心如彼功德我亦如是畢竟得故畢竟知者謂能決定知法界故言法界者名爲法性彼法性者名爲一切諸佛菩薩平等法身平等身者真如法身初地菩薩乃能證入是故受持六十二億恒河沙等諸佛名號有能受持觀世自在菩薩名號所

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100

論

妙法蓮華經優波提舍卷下

大

廣口

得功德無差別

第一序品示現七種功德成就第二方便品有五分
示現破二明一餘品如向處分易解

妙法蓮華經優波提舍卷下

泰和信官郭承昊捐俸刻

論二卷
共字一萬三千四百九十一箇
計寫銀五錢四分

妙法蓮華經優波提舍全部

計寫銀四兩七錢
二分二厘
共板十七塊

東湖信士毛晉同對

江寧黃句容潘守誠刻
工價銀六錢八分
銘寫

崇禎甲申季秋虞山華嚴閣識

妙法蓮華經論優波提舍卷上

大乘論師婆蘃槃豆菩薩造

元魏天竺三藏法師勒那摩提共僧朗等譯

頂禮正覺海

淨法無爲僧爲深利智者

開示毗伽典

祇虔牟尼尊及菩薩聲聞

令法自他利

略出勒伽辯

歸命過去未來世

現在一切佛菩薩

弘慈降神力

願施我無畏大悲止四魔

護苦提增長

序品第一

論

妙法蓮華經優波提舍卷上

4 4 5 6 7 8 9 80 1 2 3 4 5 6 7 8 9 90

1 2 3 4 5 6 7 8 9 100 1 2 3

如是我聞一時婆伽婆佛住王舍城耆闍崛山中與大比丘衆萬二千人俱皆是阿羅漢諸漏已盡無復煩惱心得自在善得心解脫善得慧解脫心善調伏人中大龍應作者作所作已辦離諸重擔逮得已利益諸有結善得正智心解脫一切心得自在到第一彼

菩薩摩訶薩八萬人皆於阿耨多羅三藐三菩提不退轉皆得陀羅尼大辯才樂說轉不退法輪供養無量百千諸佛於諸佛所種諸善根常爲諸佛之所稱歎以大慈悲而修身心善入佛慧通達大智到於彼

峯名稱普聞無量世界能度無數百千衆生

釋曰此法門初第一品明七種功德成就應知何等爲一者序分成就二者衆成就三者如來欲說法時至成就四者所依說法隨順威儀住成就五者依止說因成就六者大衆現前欲聞法成就七者文殊師利答成就

又序分成就者此法門中示現二種義成就此義應知何等爲二一者一切諸法門中最勝義成就故二者示現自在功德義成就故如王舍城勝於諸餘一切城舍故耆闍崛山勝餘諸山故顯此法最勝義故

如經婆伽婆佛住王舍城耆闍崛山中故
衆成就者有四種義成就示現應知何等爲四一者
數成就二者行成就三者攝功德成就四者威儀如
法住成就數成就者謂大衆無數故行成就者有四
種一者謂諸聲聞修小乘行二者謂諸菩薩修大乘
行三者謂諸菩薩以神通自在力隨時示現能修行
大乘如毘陀婆羅菩薩等十六人具足菩薩不可思
議事而常能示現種種形相謂優婆塞優婆夷比丘
比丘尼等故四者出家聲聞人威儀一定不同菩薩
故

皆是阿羅漢等有十六句示現聲聞功德成就故皆
不退轉阿耨多羅三藐三菩提等者有十三句示現
菩薩功德成就故阿羅漢功德成就者彼十六句示
現三種門攝義應知何等三種門一者上上起門二
者總別相門三者攝取事門上上起門者謂諸漏已
盡故名爲阿羅漢以心得自在故名爲諸漏已盡以
心無復煩惱故名爲心得自在以善得心解脫善得
慧解脫故名爲心得自在以遠離能見所見故名爲
無復煩惱以善得心解脫善得慧解脫故名爲心善
調伏人中大龍者行諸惡道如平坦路無所拘礙應

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

論

妙法蓮華經疏解卷第十一

三

蘭

行者已行應到處已到故應作者已作人中大龍已得對治降伏煩惱怨敵故所作已辦者更不後生如相應事已成就故離諸重擔者以應作者作所作已辦後生重擔已捨離故逮得已利者已捨重擔證涅槃故盡諸有結者已逮得已利斷諸煩惱因故善得正智心解脫者諸漏已盡故一切心得自在者善知見道修道智故到第一彼嶽者善得正智心得解脫善得禪通無諍三昧等諸功德故大阿羅漢等者心得自在到彼嶽故衆所知識者諸王王子大臣人民帝釋天王梵天王等皆識知故又復聲聞菩薩佛等是勝智者彼勝智者皆悉善知是故名衆所知識總別相門者皆是阿羅漢等十六句等初句是總餘句別故皆是阿羅漢者彼阿羅漢名之爲應有十五種義應知何等十五一者應受飲食臥具供養恭敬等故二者應將大衆教化一切故三者應入聚落城邑等故四者應降伏諸外道等故五者應以智慧遠觀察諸法故六者應不疾不遲說法如法相應不疲倦故七者應靜坐空閑處飲食衣服一切資生不積不聚少欲知足故八者應一向行善行不著諸禪故九者應行空聖行故十者應行無相聖行故十一者應

論

妙法蓮華經疏解卷第十一

四

五

4 4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

言

文法通串卷之二

四

解

行無願聖行故十二者應降伏世間禪淨心故十三者應起諸通勝功德故十四者應證第一義功德故十五者應如實知同生諸衆得諸功德爲利益一切諸衆生故攝取事門者此十五句攝取十種功德應知示現可說果不可說果故何等爲十一者攝取得功德二句示現如經諸漏已盡無復煩惱故二者三句攝取諸功德一句降伏世間功德如經心得自在故二句降伏出世間學人功德如經善得心解脫善得慧解脫故三者攝取不違功德隨順如來教行故如經心善調伏故四者攝取勝功德如經人中大龍

故五者攝取所應作勝功德所應作者謂能依法供養恭敬尊重如來故如經應作者作故六者攝取滿足功德滿足學地故如經所作已辦故七者三句攝取過功德一者過愛故二者過求命供養恭敬故三者過上下界已過學地故如經離諸重擔故逮得已利故盡諸有結故八者攝取上上功德如經善得正智心解脫故九者攝取應作利益衆生功德如經一切心得自在故十者攝取上首功德如經到第一彼

故

得諸菩薩功德成就者彼十三句功德二門攝義示

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

論

妙法蓮華經疏卷第十一

三

虧

現應知何等二門一者上支下支門二者攝取事門
上支下支門者所謂總相別相此義應知皆得阿耨
多羅三藐三菩提不退轉者是總相餘者是別相彼
不退轉有十種示現應知何等爲十一者住聞法不
退轉如經皆得陀羅尼故二者樂說不退轉如經大
辯才樂說故三者說不退轉如經轉不退法輪故四
者依止善知識不退轉以已身心業依色身攝取故
如經供養無量百千諸佛故於諸佛所種諸善根故
五者斷一切疑不退轉如經常爲諸佛之所稱歎故
六者爲何等何等事說法入彼彼法不退轉如經以
大慈悲而修身心故七者入一切智如實境界不退
轉如經善入佛慧故八者依我空法空不退轉如經
通達大智故九者入如實境界不退轉如經到於彼
岸故十者應作所作住持不退轉如經名稱普聞無
量世界能度無量百千衆生故攝取事門者示現諸
菩薩住何等清淨地中因何等方便於何等境界中
應作所作故地清淨者八地以上三地無相行寂靜
清淨故方便者有四種一者攝取妙法方便住持妙
法以樂說力爲人說故二者攝取善知識方便以依
善知識所作應作故三者攝取衆生方便以不捨衆

論

妙法蓮華經疏卷第十一

六

五

生故四者攝取智方便以教化衆生令入彼智故又復更有攝取事門示現諸地攝取勝功德不同二乘功德故謂八地中無功用智不同下上故不同下功者下功用行不能動故不同上者上無相行不能動故自然而行故於九地中得勝進陀羅尼門具足四無礙自在智故於第十地中不退轉法輪得佛受位如轉輪王之太子故以得同攝功德義故攝功德成就者示現依何處依何心依何智依何等境界行依何等境界能辦故依何處者依善知識故依何心者我依衆生心教化畢竟利益一切衆生故稱何智者

依三種智一者授記密智二者諸通智三者真實智依何等境界行依何等能辦者卽三種智所攝應知威儀如法住成就者有四種示現何等爲四一者衆圍遶二者前後三者供養恭敬四者尊重讚歎如經爾時世尊四衆圍遶供養恭敬尊重讚歎故

如來欲說法時至成就者爲諸菩薩說大乘經故此大乘修多羅有十七種名顯示甚深功德應知何等十七云何顯示一名無量義經者成就字義故以此法門說彼甚深法妙境界法故彼甚深法妙境界者諸佛如來最勝境界故二名最勝修多羅者於三藏

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

論

妙法蓮華經疏卷第十一

十一

經

中最勝妙藏此法門中善成就故三名大方廣者無量大乘門隨衆生根住持成就故四名教菩薩法者以爲教化根熟菩薩隨順法器善成就故五名佛所護念者依佛如來有此法故六名一切諸佛祕密法者此法甚深唯佛如來知故七名一切佛之藏者如來功德三昧之藏在此經故八名一切諸佛祕密處者以根未熟衆生等非受法器不授與故九名能生一切諸佛經者聞此法門能成諸佛大菩提故十名一切諸佛之道場者聞此法門能成諸佛阿耨多羅三藐三菩提非餘修多羅故十一名一切諸佛所轉法輪者以此法門能破一切諸障礙故十二名一切諸佛堅固舍利經者謂如來真如法身於此修多羅不敗壞故十三名一切諸佛大巧方便經者依此法門成大菩提已爲衆生說天人聲聞辟支佛等諸善法故十四名說一乘經者以此法門顯示如來阿耨多羅三藐三菩提究竟之體彼二乘道非究竟故十五名第一義住者以此法門即是如來法身究竟住處故十六名妙法蓮華者有二種義何等爲二種一者出水義以不可盡出離小乘泥濁水故又復有義如彼蓮華出於泥水喻諸聲聞得入如來大衆中坐

3 4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100

如諸菩薩坐蓮華上聞說如來無上智慧清淨境界得證如來深密藏故二華開義者以諸衆生於大乘中其心怯弱不能生信是故開示諸佛如來淨妙法身令生信心故十七名最上法門者攝成就故攝成就者攝取無量名句字身頻婆羅阿閦婆等舒盧迦偈故此十七句法門者是總餘句是別故如經爲諸菩薩說大乘經名無量義如是等故

所依說法隨順威儀住成就者示現依何等法說法依三種法故一者依三昧成就故以三昧成就二種法示現何等爲二一者成就自在力身心不動故二

者離一切諸障隨自在力故此自在力復有二種一者隨順衆生不見對治攝取覺菩提分法故二者爲對治無量世來堅執煩惱故如經佛說此經名已結跏趺坐入於無量義處三昧身心不動如是等故二依器世間三者依衆生世間震動世界及知過去無量劫事等故如經是時天雨曼陀羅華乃至歡欣合掌一心觀佛故

依止說因成就者彼諸大衆現見異相不可思議事大衆見已生希有心渴仰欲聞生如是念如來今者應爲我說故如來應爲我說渴仰欲聞生希有心故

3 4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100

論

妙法蓮華經疏解卷第

九

論

名依止說因成就是故如來放大光明示現他方諸世界中種種諸事故先爲大眾示現外事六種震動等次爲示現此法門中內證甚深微密之法故又依器世間衆生世間數種種無量種種具足煩惱差別具足清淨差別佛法弟子差別示現三寶故復乘差別有世界有佛有世界無佛令衆生見修行者未得果得道者已得果故如經諸修行得道者故數種種者示現種種觀故略說四種觀一者食二者聞法三者修行四者樂如經爾時佛放眉間白毫相光次第乃至以佛舍利起七寶塔故行菩薩道者教化衆生

依四攝法方便攝取此義應知如經中說當自推取自此以下示現大眾現前欲聞法成就問一人者多入欲聞生希有心是故唯問文殊師利如是示現世尊弟子隨順於法不相違故今佛世尊現神變相者爲何等義爲說大法故現大相以爲說因現大相者爲說妙法蓮華經故現大瑞相爲說如來所得妙法不可思議等文字章句故有二種法是故仰推文殊師利何等爲二一者現見諸法故二者離諸因緣唯自心成就彼法故示現種種諸瑞相者以爲示現彼事故如彼事相現沒住滅應知以文殊師利能記

彼事故以文殊師利所作成就因果成就現見彼法故所作成就者此有二種一者功德成就二者智慧成就因成就者一切智成就又復有因謂緣因因成就者衆相具足也果成就者說大法也種種異佛國土者爲此示現彼國土中種種異異差別應知淨妙國土者無煩惱衆生住處故如經照於東方萬八千世界乃至悉見彼佛國界莊嚴故如來爲上首者諸菩薩等依如來住故以彼如來於彼國土一切大衆中得自在故如經又見彼土現在諸佛如是等故自此已下明聖者文殊師利菩薩以宿命智現見過

去因相果相成就十種事如現在前是故能答彌勒云何現見過去因相者謂文殊師利自見已身曾於彼彼諸佛國土中處處修行種種行事故云何現見過去果相謂文殊師利自見已身是過去妙光菩薩於彼佛所聞此法門爲衆生說故成就十種事者何等爲十一者現見大義因成就二者現見世間文字章句甚深意因成就三者現見希有因成就四者現見勝妙因成就五者現見受用大因成就六者現見攝取一切諸佛轉法輪因成就七者現見善堅實如來法輪因成就八者現見能進入因成就九者現見

3 4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100

論

妙法蓮華經卷第六

二

五

憶念因成就十者現見自身所經事因成就
大義因成就者八句示現應知一者欲論大法二者
欲雨大法雨三者欲擊大法鼓四者欲建大法幢五
者欲然大法炬六者欲吹大法螺七者欲不斷大法
鼓八者欲說大法此八句欲示現如來欲論大法等
故何者爲八種大義謂有疑者爲斷疑故已斷疑者
增長淳熟彼智身故根熟者爲說二種微密境界一
者謂聲聞密境界二者菩薩密境界大法鼓者二句
示現以遠聞故入密境界者令進取上上清淨義故
取上上清淨義者令彼進取一切種智得現見故令
彼進取一切種智得現見者爲一切法建立名字章
句義故建立名字章句義者令人不可說證智轉法
輪故現見世間名字章句意甚深因成就者如經我
於過去諸佛曾見此瑞乃至故現斯瑞故現見希有
因成就者以無量時不可得故不可思議不可稱不
可量者示現過彼阿僧祇劫不可得故復示現五種
劫一者夜二者晝三者月四者時五者年示現彼無
量無邊劫故如經如過去無量無邊不可思議阿僧
祇劫爾時有佛號日月燈明乃至令得阿耨多羅三
藐三菩提成就一切種智故

3 4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

現見勝妙因成就者以示現諸佛及諸菩薩自受用
示現故如經次復有佛亦名日月燈明乃至所可說
法初中後善故現見受用大因成就者是時王子受
勝妙樂各捨出家復彼大眾於爾許時不生疲倦心
故如經其最後佛未出家時乃至佛授記已便於中
夜入無餘涅槃故

現見攝取一切諸佛轉法輪因成就者法輪不斷故
如經佛滅度後妙光菩薩持妙法蓮華經滿八十八
劫爲人演說故現見善堅實如來法輪因成就者佛
滅度後無量時說故如經日月燈明佛八子皆師妙

光乃至皆令其堅固阿耨多羅三藐三菩提故
現見能進入因成就者彼諸王子得大菩提故如經
是諸王子乃至皆成佛道故現見憶念因成就者爲
他說法利益他故如經其最後成佛者名曰然燈乃
至尊重讚歎故現見自身所經事因成就者以自身
受勝妙樂故如經彌勒當知乃至佛所護念故汝號
求名者示現知彼過去事故復示現得彼法具足故
自此已下示現所說法說因果相應知

方便品第二

經曰爾時世尊入甚深三昧正念不動以如實智觀

3 4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100

論

妙法蓮華經疏傳記卷一

三

廣

從三昧安詳而起起已告舍利弗諸佛智慧甚深無量其智慧門難見難覺難知難解難入如來所證一切聲聞辟支佛等所不能知何以故舍利弗如來應正遍知已曾親近供養無量百千萬億那由他佛於諸佛所盡行諸佛所修阿耨多羅三藐三菩提法舍利弗如來已於無量百千萬億那由他劫勇猛精進所作成就名稱普聞舍利弗如來畢竟成就希有之法舍利弗難解之法如來能知舍利弗難解法者諸佛如來隨宜所說意趣難解一切聲聞辟支佛所不能知何以故舍利弗諸佛如來自在說因成就故舍

利弗如來成就種種方便種種知見種種念觀種種言詞舍利弗吾從成佛已來於彼處廣演言教無數方便引導衆生於諸著處令得解脫舍利弗如來知見方便到於彼岸舍利弗如來知見廣大深遠無障無礙力無所畏不共法根力菩提分禪定解脫三昧三摩跋提皆已具足舍利弗諸佛如來深入無際成就一切未曾有法舍利弗如來能種種分別巧說諸法言詞柔軟悅可衆心止舍利弗不須復說舍利弗佛所成就第一希有難解之法舍利弗唯佛與佛說法諸佛如來能知彼法究竟實相舍利弗唯佛如

論

妙法蓮華經疏傳記卷一

三

廣

3 4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100

詩

妙法蓮華經傳解提要

西

解

來知一切法舍利弗唯佛如來能說一切法何等法云何法何似法何相法何體法何等云何似何相何體如是等一切法如來現見非不現見

論曰自此已下示現所說法因果相應知爾時世尊入甚深三昧正念不動以如實智觀從三昧安詳而起起已告舍利弗者示現如來得自在力故如來入定無能驚寤故何故唯告舍利弗不告餘聲聞等隨深智慧與如來相應故何不告諸菩薩者有五種義一者爲諸聲聞所應作事故二者爲諸聲聞迴趣向大菩提故三者護諸聲聞恐怯弱故四者爲令餘人

善思念故五者爲諸聲聞不起所作已辦心故

諸佛智慧甚深無量者爲諸大衆生尊重心畢竟欲聞如來說故言甚深者顯示二種甚深之義應知何等爲二一者證甚深謂諸佛智慧甚深無量故二者阿含甚深謂智慧門故言甚深者此是總相餘者是別相證甚深者有五種示現一者義甚深謂依何等義甚深故二者實體甚深三者內證甚深四者依止甚深五者無上甚深甚深者謂大菩提故大菩提者如來所證阿耨多羅三藐三菩提故又甚深者一切聲聞辟支佛所不能知故名甚深言智慧者謂一切

論

妙法蓮華經傳解提要卷一

七

五

種一切智智義故如經諸佛智慧甚深無量其智慧門難見難覺難知難解難入一切聲聞辟支佛所不能知故智慧門者謂說阿含義甚深者示現有八種一者受持讀誦甚深如經舍利弗如來應正遍知已曾親近供養無量百千萬億那由他佛故二者修行甚深如經於百千萬億那由他佛所盡行諸佛所修阿耨多羅三藐三菩提法故三者果行甚深如經舍利弗如來已於無量百千萬億那由他劫勇猛精進所作成就故四者增長功德心甚深如經名稱普聞故五者快妙事心甚深如經舍利弗如來畢竟成就

希有之法故六者無上甚深如經舍利弗難解之法如來能知故七者入甚深入甚深者名字章句意難得故以自在住持不同外道說因緣法名爲甚深如經舍利弗難解法者諸佛如來隨宜所說意趣難解故八者不共聲聞辟支佛所作住持甚深如經一切聲聞辟支佛等所不能知故

妙法蓮華經論優波提舍卷上

音釋

感蒲末
切

論

妙法蓮華經論優波提舍卷下

虛子

妙法蓮華經論優波提舍卷下

大乘論師婆藪槃豆菩薩造

元魏天竺三藏法師勒那摩提共僧曇等譯

方便品之餘

如是已說妙法功德具已次說如來法師功德成就應知如經何以故舍利弗諸佛如來自在說因成就如來成就四種功德故能度衆生何等爲四一者住成就如經舍利弗如來成就種種方便故種種方便者謂從兜率天中退沒乃至示現入涅槃故二者教化成就如經種種知見故種種知見者示現染淨諸

3 4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

論

妙法蓮華經卷第十一

十一

廣

因故三者功德畢竟成就如經種種念觀故種種念觀者以說彼法成就因緣如法相應故四者說成就如經種種言辭故種種言辭者以四無礙智依何等何等名字章句隨何等何等衆生能受爲說故復有義種種方便者示現外道邪法如是如是種種過失故示現諸佛正法如是如是種種功德故如經舍利弗吾從成佛已來廣演言教無數方便引導衆生於諸著處令得解脫故復無數方便者方便令人諸善法故復方便者斷諸疑故復方便者令人增上勝智故復方便者依四攝法攝取衆生令得解脫故言著

者彼處處著或著界或著諸地或著分或著乘故著界者著欲色無色界故著地者著戒取三昧初禪定地乃至非非想及滅盡定地故著分者著在家出家分故著在家分者著已同類作種種業邪見等故著著聲聞乘菩薩乘故著聲聞乘者樂持小乘戒求須陀洹斯陀含阿那含阿羅漢等故著大乘者著利養供養恭敬等著分別觀種種法相乃至佛地故復種種知見者自身成就不可思議境界與諸聲聞菩薩故如經舍利弗如來知見方便到於彼岸故到

論

妙法蓮華經卷第十一

十一

六

彼峯者勝餘一切諸菩薩故復種種念觀者如經舍利弗如來知見廣大深遠無障無礙力無所畏不共法根力菩提分禪定解脫三昧三摩跋提皆已具足故又第一成就可化衆生依止善知識成就故第二成就根熟衆生令得解脫故第三成就力家得自在淨降伏故第四說成就者有七種一者種種成就如經舍利弗諸佛如來深入無際成就一切未曾有法故二者言語成就得五種美妙音聲聞說法故如經如來能種種分別巧說諸法言辭柔軟悅可衆心故三者相成就如經止舍利弗不須復說故有法器衆

生心已滿足故四者堪成就一切可化衆生皆知如來成就希有功德能說法故如經舍利弗佛所成就第一希有難解之法故五者無量種成就說不可盡如經舍利弗唯佛與佛說法諸佛如來能知彼法究竟實相故實相者謂如來藏法身之體不變義故六者覺體成就如來所說一切諸法唯佛如來自證得故如經舍利弗唯佛如來知一切法故七者隨順衆生意爲說修行法成就彼法何等如是等如經舍利弗唯佛如來能說一切法故第一種種法門攝取衆生故第二令不散亂住故第三令取故第四令得解

3 4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

論

妙法蓮華經疏解卷第十一

三

新

脫故第五令彼修行成就得對治法故第六能令得修行進趣成就故第七令得修行不退失故此七種法爲諸衆生自身所作成就故又與教化令成就者與二種法令彼成就何等爲一一與證法二與說法一與證法令成就者謂依證法而授與故二與說法令成就者謂依說法說與故此二種法如向前說依此二種法有何次第而得修行卽彼前文句再說應知又依證法復有五種一者何等法二者云何法三者何似法四者何相法五者何體法故何等法者謂聲聞法辟支佛法諸佛法故云何法者謂起種種諸事說故何似法者依三種門得清淨故何相法者謂三種義一相法故何體法者無二體故無二體者謂無量乘唯一佛乘無二乘故又復有義何等法者謂有爲法無爲法等云何法者謂因緣法非因緣法等何似法者謂常法無常法如是等何相法者謂生等三相法不生等三相法何體法者謂五陰體非五陰體又何似法者謂無常法有爲法因緣法又何相法者謂可見相等法又何體法者謂五陰能取可取以五陰是苦集體故又五陰者是道諦體故復有異義依說法說法何等法者謂名句字身故云何法者謂

4 4 5 6 7 8 9 80 1 2 3 4 5 6 7 8 9 90

1 2 3 4 5 6 7 8 9 100

論

妙法蓮華經疏解卷第十一

四

依如來所說法故何似法者能教化可化衆生故何相法者依音聲取故以依音聲取彼法故何體法者謂假名體法相故

自此已下依三種義示現一者決定義二者疑義三者依何事疑義決定義者有聲聞方便證得深法作決定心於聲聞道中得方便涅槃證故如是二種證法示現有爲無爲法故如經爾時大衆中有諸聲聞漏盡阿羅漢乃至亦得此法到於涅槃故言疑義者諸聲聞辟支佛等不能知故是故生疑如經而今不知是義所趣故依何事疑義者聞如來說聲聞解脫

與我解脫不異是故謂生疑生疑者生因中疑此事云何此事云何云何如來數數說甚深境界前說甚深後說甚深不同聲聞以如是等是故生疑如經爾時舍利弗知四衆心疑乃至而說偈言故

自此已下依四種事說一者決定心二者因授記三者取授記四者與授記應知云何決定心已生驚怖者令斷驚怖爲利益二種人故是故如來有決定心此驚怖有五種應知一者損驚怖謂如聲聞取以爲實謗無大乘而作是言如來說言阿羅漢果究竟涅槃我畢竟取如是涅槃是故羅漢不入涅槃故二者

3 4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

多事驚怖以大乘衆生聞菩薩道劫數長遠種種苦
行生如是心佛道長遠我無量無邊劫中行菩薩行
久受勤苦如是念故生驚怖心起取異乘心故三者
顛倒驚怖謂心分別有我我所身見諸不善法故四
者心悔驚怖謂大德舍利弗等起如是心言我不應
證如是小乘之法如是悔已心卽自止卽此悔心名
爲念驚怖應知五者詎驚怖謂增上慢聲聞作如是
心云何如來誑於我等故。

因授記者如經止止舍利弗不須復說若說是事一
切世間諸天人等皆生驚怖故此因授記皆生驚怖

者有三種義一者欲令彼諸大衆推覓甚深境界故
二者欲令彼諸大衆生尊重心畢竟欲聞如來說古
三者爲欲令增上慢聲聞離法座而去故第二請者
示現過去無量諸佛教化衆生如經是會無數乃至
聞佛所說則能敬信故第三請者示現在佛教化
衆生如經今此會中如我等比乃至長夜安隱多所
饒益故取授記者以舍利弗等欲得授記如經佛告
舍利弗汝以三請益得不說汝今諦聽如是等故與
授記者有六種應知一者未聞令聞二者說三者依
何等義四者令住五者依法六者遮未聞令聞者如

3 4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

論

妙法蓮華經卷第十一

大

論

經舍利弗如是妙法諸佛如來時乃說之如優曇華
如是等故

說者如經舍利弗我以無數方便種種因緣譬喻言
詞演說諸法如是等故種種因緣者所謂三乘彼三
乘者唯有名字章句言說非有實義故以彼實義不
可說故

依何等義者如經舍利弗諸佛世尊唯以一大事因
緣故出現於世如是等故彼一大事者依四種義應
知何等爲一者無上義唯除如來一切義智智更
無餘事如經欲開佛知見令衆生知得清淨故出現

於世故佛知見者如來能證以如實知彼深義故二
者同義以聲聞辟支佛佛法身平等故如經欲示衆
生佛知見故出現於世故法身平等者佛性法身更
無差別故三者不知義以一切聲聞辟支佛不知彼
真實處故言不知真實處者不知究竟唯一佛乘故
如經欲令衆生悟佛知見故出現於世四者爲令證
不退轉地示現欲與無量智業故如經欲令衆生入
佛知見故出現於世故又復示者爲諸菩薩有疑心
者令知如實修行故又悟入者未發菩提心者令發
菩提心故已發心者令入法故又復悟者令外道衆

3 4 5 6 7 8 9 80 1 2 3 4 5 6 7 8 9 90

1 2 3 4 5 6 7 8 9 100

言


妙法蓮華經疏卷第廿四

七

新

生生覺悟故又復入者令得聲聞小果者入大菩提
故令住者如經舍利弗但以一佛乘故爲衆生說法
故依法者如經舍利弗是過去諸佛以無量無數方
便種種譬喻因緣念觀方便說法是法皆爲一佛乘
故如是等故言譬喻者如依牛故得有乳酪生酥熟
酥乃至醍醐此五味中醍醐爲第一小乘不如其猶
如乳大乘爲最猶如醍醐故此譬喻明大乘無上諸
聲聞等亦同大乘無上義故聲聞同者此中示現諸
佛如來法身之性同諸凡夫聲聞辟支佛等法身平
等無差別故此義皆是譬喻示現因緣之義如向前

說言念觀者於小乘諦中人無我等於大乘諦中真
如法界實際法界法性及人無我法無我等種種觀
故言方便者於小乘中觀陰界入眾苦離苦得解脫
故於大乘中修諸波羅蜜以四攝法攝取自身他身
利益對治法故遮者如經舍利弗十方世界中尚無
二乘何況有三如是等故無二乘者無二乘所得涅
槃唯佛如來證大菩提究竟滿足一切智慧名大涅
槃非諸聲聞辟支佛等有涅槃法唯一佛乘故一佛
乘者依四種義說應知如來依此六種授記是故前
說何等法云何法何似法何相法何體法如是示現



3 4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

論

妙法蓮華經疏卷第十一

何等法者謂未曾聞故云何法者謂種種言語譬喻說故何似法者所謂唯爲一大事故何相法者爲隨衆生器說諸佛法故何體法者所謂唯一乘體故一乘體者所謂諸佛如來平等法身聲聞辟支佛乘非彼平等法身之體以因緣果行觀不同故自此已下如來說法爲斷四種疑心應知何等四種一者疑何時說二者疑云何知是增上慢人三者疑云何堪說四者疑云何如來不成妄語何時說者諸佛如來於何等時起種種方便說法爲斷彼疑如經佛告舍利弗諸佛出於五濁惡世所謂劫濁等故云何知增上慢者如來不爲增上慢人說法云何知彼是增上慢爲斷彼疑故如經若有比丘實得阿羅漢者若不信是法無有是處等故云何堪說者從佛聞法而起謗心如來應是不堪說人云何如來不成不堪說法人爲斷此疑如經除佛滅度後現前無佛如是等故云何如來不成妄語者以如來先說法異今說法異云何如來不成妄語爲斷此疑故如經舍利弗汝等當一心信解受持佛語諸佛如來言無虛妄無有餘乘唯一佛乘故乃至童子戲聚沙爲佛塔如是諸人等皆已成佛道者謂發菩提心行菩薩行者所作善根

論

妙法蓮華經疏卷第十一

七

六

能證菩提非諸凡夫及決定聲聞未發菩提心者之所能得故如是乃至小低頭等皆亦如是

譬喻品第三

舍利弗說偈

金色三十二 十力諸解脫 同共一法中
而不得此事 八十種妙好 十八不共法
如是等功德 而我皆已失

釋曰此偈示現何義尊者舍利弗自呵責身言我不見諸佛不往諸佛所及聞佛說法不供養恭敬諸佛無利益衆生事於未得法退是故尊者舍利弗作如是言呵責自身不見者示現不見諸佛如來大人之相不生恭敬供養心故往佛所者示現教化衆生力故放金色光明者示現見佛自身異身獲得無量功德故聞說法示現者能作利益一切衆生故示現力者示現衆生有疑依十力斷彼疑故供養者示現能教化衆生力故十八不共法者示現遠離諸障礙故恭敬者示現出生無量福德依如來教得解脫故以人無我法無我一切諸佛法悉皆平等故是故舍利弗自呵責身言我未得如是法故於未得中退故自此已下次爲七種具足煩惱染性衆生說七種譬喻

3 4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

論

妙法蓮華經疏解卷第十一

釋

對治七種增上慢心此義應知又復次爲三種染慢無煩惱人三昧解脫見等染慢對治此故說三平等此義應知何者七種具足煩惱染性人一者求勢力人二者求聲聞解脫人三者求大乘人四者有定人五者無定人六者集功德人七者不集功德人七種增上慢心者云何七種譬喻對治一者顛倒求諸功德心以世間中諸煩惱染熾然增上而求天人勝妙境界有漏果報對治此故爲說火宅譬喻應知二者聲聞人一向決定增上慢心自言我乘與如來乘無差別故如是倒取對治此故說窮子譬喻應

知三者大乘人一向決定增上慢心起如是意無別聲聞辟支佛乘如是顛倒取對治此故爲說雲雨譬喻應知四者實無而謂有增上慢人以有世間漏三昧三摩跋提實無涅槃而生涅槃想如是倒取對治此故爲說化城譬喻應知五者散亂增上慢心實無有定過去雖有大乘善根而不覺知不覺知故不求大乘於狹劣心中生虛妄解以爲第一乘如是倒取對治此故爲說繫寶珠譬喻應知六者有實功德人增上慢心聞佛說大乘法而取非大乘如是倒取對治此故爲說輪王解髻中明珠與之譬喻應知七者

論

妙法蓮華經疏解卷第十一

上

六

3 4 5 6 7 8 9 80 1 2 3 4 5 6 7 8 9 90

1 2 3 4 5 6 7 8 9 100

論

妙法蓮華經疏卷第十一

二

衛

無實功德增上慢人於第一乘不曾修集諸善根本聞說第一乘心中不取以爲第一如是倒取對治此故爲說醫師譬喻應知第一人者以世間種種善根三昧功德方便令嬉戲然後令人入大涅槃故第二人者以三爲一令人入大乘故第三人者令知種種乘諸佛如來平等說法隨諸衆生善根種子而生芽故第四人者方便令人入涅槃城故涅槃城者所謂諸禪三昧城過彼城已然後令人入大般涅槃城故第五人者示其過去所有善根令憶念已然後教令人入三昧故第六人者說大乘法以此法門同十地行滿諸佛如

來密與授記故第七人者根未淳熟爲令熟故示現得涅槃量爲是義故如來說此七種譬喻何者三種無煩惱人三種染慢所謂三種顛倒信故何等爲三一者信種種乘異二者信世間涅槃異三者信彼此身異爲對治此三種染慢故說三種平等應知何者名三種平等云何對治一者乘平等與聲聞授菩提記唯有大乘無二乘故是乘平等無差別也二者世間涅槃平等以多寶如來入於涅槃世間涅槃彼此平等無差別故三者身平等多寶如來已入涅槃復示現身自身他身法身平等無差別故如是三種無

3 4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100

煩惱人染慢之心現彼此身所作差別以不知彼此佛性法身悉平等故卽彼人我證此法故彼人不得此法對治故與諸聲聞授記應知問曰彼聲聞等爲實成佛故與授記爲不成佛與授記也若實成佛者菩薩何故於無量劫修集無量種種功德若不成佛者云何與之虛妄授記答曰彼聲聞授記者得決定心非謂聲聞成就法性故如來依三平等說一乘法故以如來法身與彼聲聞法身平等無異故與授記非卽具足修行功德故是故菩薩功德具足諸聲聞人功德未具足言授記者有六處示現五者如來記

一者菩薩記如來記者謂大德舍利弗摩訶迦葉等衆所知識故名號不同故與別記富樓那等五百人等千二百人等同一名故俱時與記學無學等俱同一號又復非是衆所知識故一時與記與提婆達多授記者示現如來無怨惡故與比丘尼及諸天女授佛記者示現女人在家出家修菩薩行者皆證佛果故與授記菩薩授記者如下文不輕菩薩品中示現應知禮拜讚歎作如是言我不輕汝汝等皆當得作佛者示現諸衆生皆有佛性故言聲聞人得授記者者聲聞有四種一者決定聲聞二者增上慢聲聞三者

3 4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

論

妙法蓮華經疏解卷第十一

三

退菩提心聲聞四者應化聲聞二種聲聞如來與授記謂應化聲聞退已還發菩提心者若決定者增上慢者二種聲聞根未熟故如來不與授記應化聲聞是大菩薩與授記菩薩與授記者方便令發菩提心故

又依何義者故如來說三乘名爲一乘依同義故與諸聲聞大菩提記言同義者以如來法身聲聞法身平等無差別故以諸聲聞辟支佛異乘不同故有差別不以彼二乘非大乘故如來說言不離我身是無上義一切聲聞辟支佛等二乘法中不說此義以其

不能如實解故是故諸菩薩等行菩薩行非爲虛妄無上義者餘殘修多羅明無上義無上義者略有十種應知何者爲十一者示現種子無上故說雨譬喻汝等所行是菩薩道者謂發菩提心退已還發者前所修行善根不滅同後得果故二者示現行無上故說大通智勝如來本事等故三者示現增長力無上故說商主譬喻四者示現令解無上故說繫寶珠譬喻五者示現清淨一切國土無上故示現多寶如來塔六者示現說無上故說髻中明珠譬喻七者示現教化衆生無上故地中涌出無量菩薩摩訶薩等故

4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

言

妙法蓮華經疏卷第十一

古

解

八者示現成大菩提無上者示現三種佛菩提一者應化佛菩提隨所應見而爲示現故如經皆謂如來出釋氏宮去伽耶城不遠坐於道場得阿耨多羅三藐三菩提故二者示現報佛菩提十地行滿足得常涅槃證故如經善男子我實成佛已來無量無邊百千萬億那由他劫故三者示現法佛菩提謂如來藏性淨涅槃常恒清涼不變等義故如經如來如實知見三界之相乃至不如三界見於三界故三界相者謂衆生界卽涅槃界不離衆生界有如來藏故無有生死若退若出者謂常恒清淨清涼不變義故亦無

在世及滅度者謂如來藏真如之體不卽衆生界不離衆生界故非實非虛非如非異者謂離四種相有四種相者是無常故不如三界見三界者諸佛如來能見能證真如法身凡夫不見故是故經言如來明見無錯謬故我本行菩薩道今猶未滿者以本願故衆生界未盡願非究竟故言未滿者非謂菩提不滿足故所成壽命復倍上數者此文示現如來常念善巧方便顯多數過上數量不可數知故我淨土不毀而衆見燒盡者報佛如來真實淨土第一義諦之所攝故九者示現涅槃無上故說醫師譬喻十者示現

4 4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

言

妙法蓮華經卷之三

三

釋

勝妙力士無上故餘殘修多羅說應知多寶如來塔顯示一切佛土清淨者示現諸佛實相境界中種種諸寶間錯莊嚴故示現有八一者塔二者量三者略四者住持五者示現無量佛六者離穢七者多寶八者同一塔坐塔者示現如來舍利住持故量者方便示現一切佛國土清淨莊嚴是出世間清淨無漏善根所生非是世間有漏善根之所生故略者示現多寶如來身一體示現攝取一切佛法身故住持者示現諸佛如來法身自在身力故示現無量佛者示現彼此所作諸業無差別故遠離穢不淨者示現一切

佛國土平等清淨故言多寶者示現一切諸佛國土同寶性故同一塔坐者示現化佛非化佛法佛報佛等皆爲成大事故自此以下示現法力修行力應知法力者五種門示現一者證門二者信門三者供養門四者聞法門五者讀誦持說門四種門彌勒品中示現一法門常精進菩薩品中示現彌勒品中四種門一者證門如經我說是如來壽命長遠時六百八十萬億那由他恒河沙等衆生得無生法忍故此言無生法忍者謂初地證智應知八生乃至一生得阿耨多羅三藐三菩提者謂證初地菩提故八生一

金

妙法蓮華經卷之三

六

六

4 4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3

生者謂諸凡夫決定能證初地歡喜地隨力隨分八生乃至一生皆證初地故此言阿耨多羅三藐三菩提者以離三界中分段生死隨分能見真如佛性名得菩提非謂究竟滿足如來方便涅槃也二信門者如經復有八世界微塵數衆生皆發阿耨多羅三藐三菩提心故三供養門者如經是諸菩薩摩訶薩得大法利時於虛空中雨曼陀羅華如是等故四聞法門者如隨喜品所說應知一淨故如經法門常精進菩薩品示現者謂讀誦解說書寫等得六根清淨故如經若善男子善女人受持法華經若讀若誦若解

說若書寫是人當得八百眼功德乃至千二百意功德故此得六根清淨者謂諸凡夫人以經力故得勝根用未入初地菩薩正位應知如經以父母所生清淨肉眼見於三千大千世界如是等又六根清淨者於一根中悉能具足見色聞聲知香味覺觸法等諸根互用應知眼所見者聞香能知如經釋提桓因在勝殿上五欲娛樂乃至說法聞香知者此是智境以鼻根知故持力者有三種法門示現持力如法師品安樂行品勸持品等廣說法力如經應知其心決定知水必近者受持此經得佛性水成阿耨多羅三

藐三菩提故修行力無上者五門示現一者說力二者行苦行力三者護衆生諸難力四者功德勝力五者護法力說力者有三種法門神力品中示現一者出廣長舌相者令憶念故二者謂聲歎聲者說偈令聞故令聞聲已如實修行不放逸故三者彈指令覺悟眾生令修行者得覺悟故行苦行力者藥王菩薩品示現教化衆生故又行苦行力者妙音菩薩品示現教化衆生故護衆生故護衆生諸難力者觀世音菩薩品陀羅尼品示現功德勝力者妙莊嚴王品示現二童子依過去世功德彼童子有如是力故護法

方者普賢品及後品中示現又說言受持觀世音菩薩名號及受持六十二億恒河沙諸佛名號彼福德平等者有二種義一者信力故二者畢竟知故信力者有二種一者求我身如彼觀世音無異畢竟信故二者生恭敬心如彼功德我亦如是畢竟得故畢竟知者謂能決定知法界故言法界者名爲法性彼法性者名爲入初地菩薩能證入一切諸佛菩薩平等法身故平等身者謂真如法身初地菩薩乃至證入是故受持六十二恒河沙等諸佛名號有能受持觀世音名號所得功德無差別

論

妙法蓮華經論優波提舍卷下

六

虧六

第一序品示現七種功德成就

第二方便品有五分示現破二明一餘品如向處分易解

妙法蓮華經論優波提舍卷下

泰和信官郭承昊捐俸刻

妙法蓮華經論優波提舍卷全部

東湖信士毛晉同對

崇禎甲申季秋虞山華嚴閣識

論二卷
共字一萬三千五百八十八字
寫銀五錢四分四厘
計刻銀四兩七錢
共板十七塊
工價銀六錢八分
江寧黃
潘守誠刻
句容

